

T V B V S

GALLILÆANVS.

HEBESCENTIBVS

LVDOVICI CAMERA-

RII OCVLIS, IN LITVRA HISPANICÆ

Cancellariæ malè aduertentibus, ad clariùs
videndum tornatus

à

FABIO HERCYNIANO.

ADDITIS IN FINE TESTIMONIUM

causâ, & pro Tubo, & pro Rhabarbaro,

ipsius Camerarij epistolis.



Anno M. DC. XXV.

THE NEW YORK PUBLIC LIBRARY

ASTOR LENOX TILDEN FOUNDATION
455 FIFTH AVENUE, NEW YORK, N. Y.

1897

1898

1899

1900

1901

1902

1903

1904

1905

1906

1907



Lectori.

QUOD *U*s Animaduersionum in Lituram meam auctor sit, certò affirmare non ausim; Camerarium nominare non audeo, quia quæ facit, videri non vult fecisse. Aliquis (saltem è Socius est, & quidem Camerarij fratrem dicere, si quem tam nobili familia propaganda superesse scirem, adeò pari arte & furo, sua comit & ornat. Sed iudicium me quoddam minimè fraternum ab hac mente alienat. Camerarius luce palam, spectante vniuerso orbe, Euangelia temerarijs digitis tangis, & strepto Nomine iras Cancellariam Hispanicam suam partum non esse; hic autem Animaduersor, qui Camerario in partu haud dubiè obstetricatus fuit, disertis verbis affirmat, pag. 48. ubi obtusis in me cornibus artietas, quòd aliter acceperim, & explicarim Verba Domini Camerarij. Hac certò proditio fraterna esse nō solet, & tamē neg. Animaduersor, quisquis est, Camerario amicitia iura renuntians, quia pro latere eius se obijciit sapium, defenditque adeò scitè, ut amico nihil opus adferas, & se ipsum hostili ferro induas.

Neque vni tantum Camerario suppetias ferre conatur, sed vniuersa Ordinum quorundam Vnioni à nemine lacesita. Quid enim Fabio cum Vnione negotij? Calvinistas duntaxat peiora eius membra imminentem Imperio peste scriptis infectatur, alios, quos seditiosa indolu incautos fraus vestra propè ad precipitium traxerat, quia Calvinistas res suas sibi habere infferunt, & ipse Fabius missos facit. Quid enim in illos pugnaret, qui ab hostibus ideo abierunt, ne aduersus nos pugnarent? Catholici pacatiore fato nati inter cines, & cognatum sanguinem, stabilire pacem cupiunt, & quæ datur quiete frui.

*Tu mi Animaduersor, tu mi Camerari, tu quisquis rebellis es, cala-
mo meo mactanda praeda statis. In vos solos Calvinistas incurro, vos solos
ferio, quia vos soli fuistis, & estis hostes. Sed tu in ingressu libri tui impa-
ria arma, & dolosa, quibus in vos utimur, stomachosè execraris. An
quia sentis inflicta vulnera? idcirco pulsatus es, Sed qua sunt illa nostra ar-
ma minus honesta? Adscribimus vobis forsasse libros, quos vos non scripsi-
stis? Hac certè tua odiosissima querela est, & propè totum tui libri prologium
implet. Superiore anno editus est à quopiam liber Calvinisticarum Con-
sultationum, Protocollum Heidelbergense inscriptus, hic ita conci-
tauit Palatinianos, ut pra ira in auctorem viscera ipsa cum felle effundant.
Quid ita? an liber ille fictus in capita innocentum? hoc neq. dicunt, neque
audent: Baronis Tschernembelij esse aiunt. Si de charactere loquuntur, as-
sentior, si de re & consilijs ipsis ambigo, quia quædam ex aliorum ore trans-
ferre in suum codicem potuit, ne solus in scelere ingeniosus esset. Quid nō
Senator aliorum Senatorum audiret sententiam, & cum suis maritaret, ac
matraret? At Consiliarium Palatini non fuisse Tschernembelium Anima-
aduersor scribit, rectius, hand dubiè, credo Principis Matri, quàm Principia
Ministro, qui per adulationem in utramque linguam versat. Mater illa
ad agrotum Tschernembelium scribens inter cetera doloris sensa memorat
etiam iacturam consiliorum, quæ Tschernembelium potuisset filio tot fortuna
casibus afflicto impendisse. Fuit ergo citra dubium Palatini Consiliarius,
qui Palatino consilia subministravit. His Tschernembelium, ut Lector ho-
minem noscat, in superiore Austria natum, libero genere, natra doctibus di-
ues, inops diuinarum; egregium ingenium Calvinianâ labe corruptit. Ex eo
inter factionis Principes, eloquentiâ specfatus, Consilio aduersus Principes
suos ubique expedito, lingua promptus & audax, ut neque Imperatoria
Maiestatis aures vereretur; communis Ordinum Causidicus. Vbi res retrò
labi supra Anasum capere, in Bohemia tuta confugit, daturus eadem Pala-
tino consilia, quæ illum iam domo eiecérant, erectura etiam capientem. Pra-
ga Senatus bellico præpositus operam omnem ad bellum contulit, adeoq. di-
ligenter, prudenterque commissum an ultro susceptum munus obiit, ut va-
na illa, & superba Calvinistarum temeritas tragicum habuerit exitum.
Cum alij fugerent, nec ipse mansit, in superiore Palatinatum elapsus. Tibi*


cum illum Banarica aura è propinquo afflaret, salutem metuens, morbum in
 VVirtenbergia reperit, quo depulso, Heidelbergam venit, relicto, cum rur-
 sus fugiendum esset, Consultationum suarum libro, quem aus domi scripsit,
 ut promptius in Senatu suam symbolam conferret, aut ab aliorum ore exce-
 pit; quis enim dubitet alios quoque eadem tractasse consilijs, quæ palam age-
 bant armis? aut cur domi hæc meditaretur? (chernembelium & publice alia
 suadoret? cogitavit hæc omnia, ut fierent omnia. Itaque mi Animaduersor,
 Protocollum hoc Heidelbergense appellatum est, quia Heidelbergensis Con-
 siliarij industria scriptum est, quia Heidelbergæ reperiuntur, tametsi non
 veteri tabularii loco. Plurima iam ab extrema metuentibus submota sub-
 re, & varijs per Urbem fornicibus condita, ita ut Cancellaria distracta plu-
 ribus locis inueniretur, & cum ea quoque Protocollum, quod nos docuit
 mentem vestram, ad vniuersi Imperij interitum spectasse; Et interim vos
 libertatem pratenditis. Non iniuriâ fortasse, nam obtendit omnibus,
 ad qua aspirabat is, liberi omnino fuissetis, ac ab omni
 parte securi, sed sine vicino.

* *

TVBVS GALLILÆANVS
HEBESCENTIBVS
LVDOVICI CAMERARII OCVLIS IN
LITVRA HISPANICÆ CANCELLARIÆ
male animaduertentibus ad clariùs
videndum tornatus

FABIO HERCYNIANO

I. C.

 VIA Animaduersor meus Argum imitatur, & centum oculos in librum figit, nec librum solum intuetur accuratè, sed vestibulum ipsum accuratiùs lustrat, & animaduersionibus condecorat, sequemur eius vestigia, & propugnabimus, quâcunq; impetum facit.

ANIMADVERSI O I. Scripseram, Calvinistas in uerborum ordine à verberibus ad verba, & calamum descendere. 32. Animaduersor, *Bauaros priores in lucem edidisse Cancellariam Bauaro-Anhaltinam, in qua Vniti, & in primis Reformatæ religioni addicti, multorum atrocium criminum cum accusentur, nemo non uidet, illis prouocatis, de tuenda per publica scripta existimatione, & fama, etiam inuitis cogitandum fuisse.*

C A-

Tubus Gallileanus.

CASTIGATIO. Priminos nequaquam fuimus Scriptores, mi Animaduerfor, nam vt taceam plurimos libellos alienæ famæ fures, & nobis nouâ, eâdemque barbarâ insolentiâ, omnem belli cladem denunciâtes, terrentesque, Hussitica campana illa detestabilis, illa tumultuosa buccina quoties per Germaniæ oras ferâli sono in bella excire ausa ciues? Affatim certè tibicinum pridem erat, si tam cruenta Martis chorea delectâset meliores. Cùm Cancellariam Anhaltinam emisimus, nihil, quod nostrum est, emisimus; totum id vestrum est, qui si nihil scripseritis, nihil nos vulgâsemus. Deinde non fuit vllius prudentiæ, per scripta famam vestram iam perditam tueri, sed laborandum prius fuisset, ne perderetur. Publicum facinus nullis verbis purgatur, & frustra infumitur tempus propugnando delictum. Imprudentia igitur vos prouocauit, vt publicè negaretis, quod publicè patrâstis.

ANIMADVERGIO II. Scripseram Calvinistas per multos annos armaria implêsse. 1. Animaduerfor. 1. *Ba-uaria Ducem, aliôsque Catholicos idem fecisse. 2. multis annis ante initium Unionis variis apud Lutheranos locis fuisse armamentaria, non rectè igitur à Fabio Reformatos accusari.*

CASTIGATIO. Vituperio vobis Fabius non dedit diligentiam in procuranda remilitari, aduersus belli propulsandi iniurias, ob quem solum finem arma parari possunt; sed quòd paraueritis ad struendas Catholicis insidias;

hic

hoc iam nos scimus, antè suspicabamur, ob iactatas publicè minas non vulgò solùm, sed in Comitijis quoque, in ipsa Imperij Curia, in sacrosancto Principum Senatu, anno 1607. Legatus certè fuit, qui irâ prouectus temerariam hanc vocem misit, *Rem eò deuenisse, ut nulla spes supersit, nisi in liuescentibus oculis*: quo genere loquendi significare voluit ita contundendos esse Caluiniano pugno Catholicos, ut liuor, & cicatrix victos vultus obsideat, ac dehonestet; Ergò apparatus vester etiam nos prouidos fecit; pariter arma parauimus, ut ictum iam vix dubium exciperemus redditori vicem. Ostende paria scripta, quæ e calamo nostro profluxerint, qualia vestra spectantur.

ANIMADVERSI O III. Scripseram libidine motos Caluinistas ædificasse fanum profanum in alieno solo. *Æ. Animaduersor. Hos architectos fuisse Lutheranos, non Caluinistas.* Cast. Credat qui volet; patroni certè turbæ excitatæ fuere Caluinistæ, Picarditæ, Brûder/ & nescio, quæ sæculi nostri portenta, solent hi non rarò Lutheranam latuam induere, ne noscantur, et alucent tamen.

ANIMADVERSI O IV. Scripseram Caluinistas ius violentum dicere. *Æ. Animad. Proceres Bohemos, qui manus Slauatæ, & Smitzanskio iniecerant, Lutheranos fuisse.* CASTIGATIO. Scilicet, sed demus Lutheranos fuisse; Caluinianâ furiam incitati patrauere, quæ Caluinianorum sunt, non Lutheranorum.

ANIMADVERSI O V. Scripseram Principē Darmstadien-

stadienſem contra ius, ſas, à Caluiniſtis nihil hoſtile me-
tuentem, captum fuiſſe. &. Animaduerſor. *Male, nam*
Landtgrauius Ludonicus cùm in petita, & articulos
quosdam, ſibi propoſitos conſentire nollet, & noctur-
no tempore ex arce Darmſtadiana per notos ſecretos
meatus clàm exiſſet, incidit fortè fortunâ in ſtationes
militum Badenſium, à quibus e fuga retractus, &
Darmſtadium reductus fuit. CAST. Certum, & re-
ctâ conſcientiâ Landtgrauium conſtituiſſe, etiam appro-
pinquante exercitu veſtro, quia cùm ipſe vobis hoſtis non
eſſet, nec vos hoſtes metuebat, ſed hoſpites, quos vos me-
tiebamini: Ergo vbi aduertere cœpit diuerſentium inge-
nia inimica & inſidioſa, per clandestinum abitum ſibi
quærendam ſalutem exiſtimauit. Qua autem vos iniuriâ
irritati pergentem retraxiſtis? quâ licentiâ Laudum duxi-
xiſtis, & cuſtodix tradidiſtis? An ſas fuit Principem Impe-
rij liberum in veſtra verba adigere? & vim facere, niſi im-
probis poſtulatſis acquieſceret? Neque verò hoc facinus
diluis, cùm dicis à Badenſibus Lutheranis Landtgrauium
captum. A quibus tandem captus ſit, militârunt tur-
bines illi Caluiniſtico Palatino. Si alij peccârunt capien-
do, vos maius flagitium patrâtiſis retinendo. Exculaſtem
vos, ſi dimiſſeſis, antequam adigeremini.

ANIMADVERſIO. VI. Scripſeram temeritatē Cal-
uinianam nouis ad Heidelbergam vallis indidiſſe nomina
trug Kayſer/trug Bayr. &. Animaduerſor. *Speculum,*

Et turrem antiquam iam inde à temporibus Friderici III. Imperatoris, vulgò vocatam fuisse trutz Sayser.

CASTIGATIO. Si nomen superbæ audaciæ priscum est, etiam audacia vestra iuuentula non est. Dein nomen hoc velanum à specula in propugnaculum recens. translatum, recentiorum quoque contumaciam prodit.

ANIMADVERSTIO VII. Scripseram à Camerario, & Plessio Palatinum prauis consilijs euersum. &c. Animaduersor. *Ante editionem Bauaro-Anhaltine Cancellaria à nemine unquam Consiliarios Palatinos prauorum consiliorum accusatos fuisse.* CASTIGATIO. Totus mundus, antè, quàm quidquam crederetur, damnauit, & adhuc eos omnes damnat, qui rebellionem suaserunt, fouerunt, & adiuuerunt, sed hoc fecere Consiliarij Palatini, quod pariter constat toti mundo, nisi fateri malint se pecorum ritu sine consilio aliena stabula occupasse.

Sed interrogat meus Animaduersor. *Cur Fabius Camerarium & Plessium solos oppugnet?* Respondeo. Fabium sua paucis dicere, vt plures intelligant. *Dicit Fabius, ais, se omnia acta, omnes litteras, omnia scripta Consiliariorum Heidelbergensium Praga repta perlegisse. Si hoc verum est, legit etiam sine dubio paginas (vnâ cum Protocollo) quibus quatuor Consiliariorum Palatinorum, nempe Comitiss Solmansis, Cancellarij, Plessij, & Camerarij iudicium de Electio-*

Electiōne Bohemica continetur. Cum enim illi Francofurti essent, & ab Electore Palatino inberentur sententiam suam hac de re ipsi perscribere, illi diligenter questionem hanc examinārent, & rationem tam pro negativa, quā pro affirmatiua parte militantes in scriptum reductas, Electori (rem totam ipsius iudicio subijcientes) miserunt. CASTIGATIO. Scripta omnia Pragæ reperta lecta esse non inficior, sed nego omnia reperta Pragæ. Pars aliò, quā ad Muscū Anhaltinum diuertit, pars à fugientibus ingesta fuit peris. Si omnia vestra in lucem venissent, vos lucem amplius non sustineretis; vix iam apertis oculis in exilio vagabundieratis. Neq; admodum desideramus consilium vestrum Francofurto missum; satis hic legimus, quia aperte fatemini rationes à vobis pro parte affirmatiua allatas. Sanæ mentis hominibus nulla ratio occurrere potuit, quā regnum alienum suaderetur. Agglomerare licebat argumenta omnia, ne Palatinus, quod offerebatur, acciperet; In altera parte, vt omnia impedimenta taceamus, obstat Decalogi præceptum, quo vetamur aliena cupere, aut rapere. Et perinde est, mi Vir, ac si tuus Princeps à vobis adulterandi consilium petiuisset, aususne tum fuisses vel vnum argumentum proferre, quod facinus suaderet?

Prater ea, inquis, sciendum est super causa Bohemica, Electorem Palatinum non tantum suorum,

Consiliariorum, verum etiam multorum Principum, quarundam item Rerumpublicarum in Imperio, & extra Imperium sententiam, & consilium exquisuisse, & tandem nemine dissuadente, nec iustitia causam in dubium reuocante ad Electionem, & Vocationem Ordinum Bohemia amplectendam animum induxisse. Respondeo. Paru veri te promere. Primo enim Socer Anglus cupiditati vestrae tam immani aduersatus est, testibus litteris regia manu signatis, teste etiam ipso Camerario in epistola ad Principem Anhaltinum anno

1519. 14. Iulij interhaec scribente. A Britannicis actionibus non parum mihi metuo. In summo secreto certior fio Britannum ad Saxonem dedisse litteras, & in ijs dicere Ferdinandum omnino Regem esse Bohemiae remque malis fore exempli, si Status Bohemiae saluis privilegijs & religione se submittere nolint. Haec Camerarius pro honore, & recto Britanni animo satis, pro senimium. Quasi Ferdinandus Rex censetur, quo loco habebitur Palatinus, qui coronae Bohemicae prociis ascensum thori festinat? Deinde metuit Camerarius sensum, & sententiam Britanni, Bohemis scilicet parandum Ferdinandi imperijs, si iusta praecipiat. Hoc dictum aures Camerarij admodum vulnerat, quia omnes spes Palatini evertit, ideoque Camerarius metuit, ne quid boni fiat. Tertiò manifestum hinc est, quantopere Camera-

rius

Vide lit. A.

rarius pacem desiderârit, cùm actiones Britannicas ad pacem spectantes horreat. Sed & alibi in Britannum saniora volentem inuchitur in epistola ad Cancellarium Heidelbergensem Brunnæ data 8. Feb. St. nouo anno 1620. Vide lit. H.
vbi ita scribit. Nemo plus nostra causa nocet, quam magna Britannia Rex suâ cunctatione, & tricus philosophicis. Huius exemplo excusant se alij, quibus iste prætectus optatus est. Deus meliora. Omnino Camerari, *Deus meliora;* sed à te inchoet, quia parum boni possides, cùm tam multa mala e pectore tuo promas. Pa-
 eis cogitationes, & prudentem Britanni cunctationem in iuuando alieni regni furto, tu *tricas philosophicas* appellare audes, & docēs nos eum, qui haret, & cunctatur se-
 ptimum decalogi præceptum violare, *tricas philosophicis occupari.* Liceat, quod lubet, vera philosophia est apud Camerarium. Sed ne nimium digrediamur, præter Socerum dehortantem, nihil etiam suasit Elector Bauarus, nihil Elector Saxo, nihil alij Septemuii; neque tu eorum nomina, quos tuarum partium fuisse iactas, exprimere audes: Et si qui suasissent, nominati haud dubiè erubescerent, atque etiam, si non consilium, saltem consilij proditorem damnarent. Itaque potes tu citra periculum de infinitis mentiri, quia nemo confessurus prodibit. Laudare te hoc loco habeo Animaduersor quisquis es, ob confessionem, quam ex Camerario etiam temulento nec fidiculis expressissem. Negat ille, quantâ vi potest, se aucto-

rem fuisse Principi suo, vt Bohemiæ turbis se inuolueret, alienumque diadema sibi deposceret, & tu candidè id palam fateris, totiq; mundo promulgas, cum dicis: *Ex Consiliariis neminem dissuasisse, nec iustitia causam in dubiam vocasse*. At verò Camerarius vnus de Consiliarijs fuit, ergo nec dissuasit, nec de iusta causa dubitauit. Oro enim te, quid est in Senatu dicere? *Non dissuadeo, de iusta causa non ambigo*, quàm dicere; *mea sententia fieri potest, suadeo iusta causa est*. I, Palatinè quò te cupiditas trahit, Bohemi vocant; arripe sceptrum, regnum, quod aufertur alteri offertur tibi, tuum est: si velis, in alijs fidem colas, in regni obuentu viola; exime animo religionem, & aude.

Quòd autem culpam infelicitis successus ab Heidelbergensibus amoliris, eamq; in consternatos prælio Pragensi Socios, atque etiam in defectionem fœderatorum pertinere contendis; frustra laboras; scio plures fortunam iam inclinatham præcipitasse, & tamen quidquid tristis euentus fuit, ex origine Heidelbergensi proficiscitur, nam omnia tentaturis omnia metuenda fuissent, nihilque inchoandum, quod secure finiri non poterat. Hic erratum est primò: hic error princeps vester est, Consiliarij, & quidem tantus, vt etiam in exilio duret; quia viam ad patriam nondum inuenitis. *Multus*, ais, *Fabius est in depradandis Bauarorum, & reliquorum Ligistarum fortibus factis*; Imò verò minimè multus fuit, nam de industria parù narrauit, verbo tantum meminit, vbi vsus erat.

Tillium,

*Tillium, ais, cum reliquis Liga ductoribus, quoties-
cunque cum paulo peritioribus, & circumspectiori-
bus belli Ducibus ipsis res fuit, non semper egregiam
adeo laudem, aut spolia ampla retulisse. O impru-
dentiam Camerarianam! quod verbum tibi excidit? no-
strine Ducestantum magnifuerè, cum vestri parui erant?
nostrine concessere vestris paulo peritioribus, & circum-
spectioribus? ergo quia firmo pede intulere signa ad Pra-
gam, & fudere robustissimum exercitum, non fuit Dux
peritus, neque circumspectus. Anhaltinns militiæ famâ
apud vos Clarissimus? Quid dico? Si apud Winphin-
gam paulo peritior, & circumspectior fuisset Badensis
Marchio, iam Catholici omnes militare funus fuissent.
Nec Halberstadius duobus prælijs, quibus ipsius copiæ
concisæ fuere, satis peritus, aut circumspectus fuit. Itâ
aliorum bonâ famam accidis in gratiam Mansfeldij, qui
sine dubio circumspectissimus est & habetur, vbi que
enim opportunitatem inuenit, quâ fugiat. At tu certa-
men eius, quod cum Tillio ad Wiselocum iniit, extollis,
item furta eius, ac insidias in finibus Bohemiæ, & Palati-
natus superioris. Item impetum illum ad Namurcum,
quo Cordubensem aciem inuasit, egregia verò ista præ-
lia, & triumphis digna! Ad Wiselocum Tilliana acies
turbata quidem fuit, sed non Mansfeldianis armis, imò
Mansfeldius accepto cruento colapho præproperus abi-
bat, neque de solutis Tillij Ordinibus illi quicquam con-
stabat,*

stabat, non defuisset alioqui fortunæ, sed persecutus fuisset victoriam, si quam habere se sciuisset. Pagus vtramque dirimens aciem, atque incendio fumans vtrinque ignorantiam obiecit; Tillius suos turbatos vidit, Mansfeldius se victum credidit, ideóque campo cedere deperauit. Ad Bohemiæ fines perfidè egit Mansfeldius, conuentúque Vlmensia violauit, nam Baurium fortissimum Tribunum ex improviso adortus ecçidit quidem, nequam autem Tillium; neque eo in loco iusta pugna fuit, cuius Mansfeldius nunquam appetens est; optimus aliàs Dux, cùm fraudibus, & fugâ res geritur. Neque nobilior eius dextra ad Namurcum habita; eminùs ille armis, quibus non vsurus erat, insignis, alios in discrimen misit, ac potissimùm Halberstadiensem ætate ferocem, & in ea ipsa pugna brachio mulctatum, cuius virtute aciem Cordubensem quidem euasit, sed fugientis more, tantum enim pugnavit, vt euaderet; stetit interea inuicta Cordubæ virtus. Atque hæc sunt Mansfeldij prælia, victoriæ quæ, quas ita perpetuauit, vt tandem omnibus, quas possideret, terris excesserit.

ANIMADVERSIÓ VIII. Scripseram Consiliarios Palatinianos euenta fatis tribuere. & Animaduersor, & de prouidentia Dei disputat, de sua debebat, quam non habuit, cùm bellum ciuile suasit.

ANIMADVERSIÓ IX. Scripseram. Cùm anno huius sæculi 7. 8. Cæsar subsidia aduersus Turcas postulasset,

set, non magis fauentes Calvinistas, quàm ipsos Turcas inuenit. *Re. Animad. Non tantum reformatos, sed ferè omnes in uniuersum Lutheranos, imò complures etiam Pontificios non admodum ad talia subsidia subministranda propendere.* CASTIGATIO. Equidem non nescio nulli volupe esse alteri suos loculos affundere; ad propulsandum tamen commune periculum quisque bonorum promptus est; soli Calvinistæ, patricique alij ab ipsis decepti, refragantur.

ANIMADVERSO. X. Fabius conuentum Protestantium anno 1619. Norimbergæ Concilium Calvinistarum vocat. Respondet Animaduersor. *Imperitè & insulse.* CASTIGATIO. Cur verò imperitè, & insulse? Noui omnes Principes, qui interfuère, non autem noui omnium religiones; honori vos habituros arbitrabar, si à vobis denominarem illud Concilium, Calvinistarum potissimum causâ & operâ indictum? Si Lutheranum indigerâsem, fremerent Lutherani, & iustius: Euangelicum non volui, ne miscerem Lutheranis Calvinistas ab Imperio non receptos.

ANIMADVERSO. XI. Scripseram. Missi ab eo Conuentu ad Bauarum Monachium hostes potius, quàm Legati, adeò infesti eorum vultus, trucia verba, minæ feroces, vt gerere iam bellum, non indicere viderentur. *Re. Animaduersor. Viunt adhuc Fredericus Comes Solmenfis, & reliqui tres Legati, quos audimus prouoca-*

re ad omnium, qui cum ipsis conuersati sunt, Aulicorum testimonium, præcipuè verò Baronis Töringij stabuli Præfecti, Domini de Wensin, Domini Tanneri, Tribuni militum Mortagnij, Magistri Culina, & aliorum, qui ipsis in mensa adfuerunt.

CASTIGATIO. Singula lustremus; & primò ad humanitatem compositos Caluinistarum vultus, qui haud dubiè pares esse debebant animo, sed animus exacerbatu erat, & Marte plenus. Dein nouerunt pro tempore & loco temperare sui aspectum Caluinistæ; super mensa inter epulas, & læta pocula ad similitudinem vultus resplenduit, & bardus omninò forem, nisi præbenti mihi & præbenti nectar non arriderem; non semper atræ nubes cælum vestiunt, serenatur subinde, ita & frons, præsertim si ars Caluinistica accedat. Trucia verba & minas, quo nomine inficiamini? Pacem portastis, an arma Monachium? Quid trucius, quàm dicere? *Ad hac, qua flagitamus, capita annue. Hac enumerata sine ulla disceptatione, & tergiuersione concessa nobis volumus; cetera litigio permittantur, & à paribus decernantur. Quid minaciùs? nisi intra duos menses dignum libidine nostrâ responsum dabitur; neque necessitati, neque occasione nostrâ deerimus.* Hæc Legati armatorum iam Principum. *Amica certè legatio, amica verba,* quibus paria, cùm apud Camerarium vsurpo,

vocor *detestabilis, crudelis, impudentissimus Fabius*. Puto & vestros Legatos habuisse dentes. Extat eorum Legatio; qui dubitat, legat. Igitur ad acta sua prouocent, non ad conuiuatores, nisi fortasse Plessio hæc prouocatio concedenda videtur, quòd iam esuriat.

CIRCA CONSIDERATIONEM

PRIMAM.

ANIMADVERSI O I. Scripseram Caluinistas primos auctores fuisse Seditionis in Bohemia. &c. Animadu. *scilicet*. Animadu. *scilicet*. *An hoc verum sit, videat Lector, responsionem ad Cancellariam Bauaro-Anhaltinam p. 1. c. 5.*

CASTIGATIO. Iam vidi, & firmitus credo; nec impudentia negauerit iaculatores illos hominum ex alta Curia Caluinistas fuisse.

ANIMADVERSI O II. Scripseram Caluinistis inditum bella ex bellis serere, pios inauditis supplicijs mactare. &c. Animadu. *Hæc propria esse Romanensium, & inauditam crudelitatem in valle Telina recenset.*

CASTIGATIO. Vera me scripsisse testimonio est Gallia, Belgiû, aliæq; Prouinciæ Geneuësi peste infectæ. Quis tot armis concitauit Gallias? Caluinistæ. Quis Belgium concussit? Caluinistæ. Quis Bohemiam efferauit; Caluinistæ; & propè nulla apud Europæos bella tanto tempore fuissent, nisi Caluinistæ tympana pulsassent. De incolis Tolinæ Vallis quod narras, sæuitiam vestram demonstrat; vos enim Caluinistæ facturi eratis, quòd passi estis,

fi facinus occupare licuisset. Et suadeo tibi, vt mecum exercendi hoc genus certaminis, arenam ne ingrediaris, alioquin ostendam tibi apud vos Busiridis aras humano sanguine fumantes, pastos Diomedis equos, & Mezentij composita funera. Efflaturus animam Caluinistarum clementiam implorabo, impetrabo beneficium, vt citius moriar.

ANIMADVERSIÒ: III. dixeram, Augustanæ Confessioni addictos ægrè laturos, Reformatos Euangelicorum sibi nomen vendicare. & Animadu. *Fabium errare, quòd illi nullam hac de re controuersiam moueant.*

CASTIGATIO. Animaduersor aut nihil legit, aut dissimulat se legisse, plus quàm hostiles contentiones Heidelbergenses inter & Tübingenses; Ab his Caluinistæ multorum errorum damnantur, quod Euangelicum non est, neque Lutherani permittunt, vt Euangelici illi appellentur, qui Euangelium deprauant.

ANIMADVERSIÒ: IV. Scripseram Caluinistas ex sacro Bibliorum codice sacrilegâ manu per multos libros excidisse. & Animad. *Callide à me dissimulari, etiam à Lutheranis eosdem libros pro Apocryphis haberi.*

CASTIGATIO. Imitaris pueros, mi Animaduersor, forte obiurgatos, qui socios compellant, ne soli vapulent. Mihi cum Lutheranis pacem colentibus iam nulla rixa est; hostes publicæ quietis, non religionis insector; vos v-

trisque

trisque inimici, ab vtrisque timemini malignas vestras mentes expertis. Laodicenum Concilium, & S. Hieronymum aduersus me constituis neutrius intelligens. Laodicenum Concilium Prouinciale fuit, Nicenum Generale, quod tamen plures libros enumerat. Hieronymus tamen si iudicauit quosdam non esse Canonicos, ubi tamen comperit Iudithæ volumen ab Niceno Concilio sacro Syllabo adscriptum, etiam calculum suum adiecit. Audiuimus in præfatione: Hunc librum Synodus Nicena in numerum sanctarum Scripturarum legitur computasse. En quantum distet Calvinista à Hieronymo! qui iudicio Ecclesiæ publico iudicium suum postponit, Calvinista anteponit. Ceterum neque ego per sæculum, neque tu Theologiæ operam dedimus, atque idcirco sapientiores de his silebimus, ne crepidam excedamus.

ANIMADVERSI O V. Scripseram Calvinistas esse similiore in Religione Turcis, quam primis Christianis. Respondet Animadu. *Emittit me ad librum in Anglia de Turcico Papismo editum.* CASTIGATIO. Mittor à Fabro ad Carbonarium; utrobique nigror est; lege tu potius Caluinoturcismum & perspicies, quam patum tuam religio ab illa Muselmannica diuerat.

ANIMADVERSI O VI. Enumeraui causam proscriptionis Palatinianæ inter ceteras hanc, quod Bohemiâ pulsus nouas opes, noua auxilia conquiriturus bellum reparaturus, & Palatinum aduersâ fortuna ferocio-

rem factum. & querit, Animaduersor, *quomodo hoc fieri potuerit, cum inter praelium Pragensē, quod in 28. Octob. ut ille loquitur, Anni 1620. St. vet. incidit, & inter sententiam banni 2. Ianuarij, Anno 21. Vienna publicatam vix duo menses intercesserint, nec cuiquam mortalium constare potuerit, illum de constitutione belli potius, quam de pacis ineunda ratione cogitaturum?* CAST. Primam & potissimam proscriptionis causam omittit Animaduersor, ut audentius loqui possit. Ita scripseram: Fredericus proscriptus est, non quia Catholici voluere, sed quia ipse voluit mereri, ut proscriberetur. Cæsaris regna & provincias inuasit, hostem se hostibus Domini sui iunxit. Hæc princeps causa est; cæteræ adauxere facinus Palatinianum; nā sicut tu Animaduersor à me queris, *unde sciam intra tantillum tempus hostilia adhuc meditatū Fredericum?* ita ego te interrogo, unde tu scias eum à Cæsare pacem postulasse? Qui hostis fuit, nisi se aliter affectum ostendat, hostis semper censetur. Palatinus è Bohemiarum regno profugit, non ut Bohemiam Cæsari cederet, sed ut firmatis, quas pugnā affligerat opibus, infestior rediret. Eam ob causam Mansfeldium Pilsnæ reliquit, alibi alios ut bello sedes esset post aliquod tempus reparando; certè neq; ad alios, neq; ad Bavaos profectus est, ut preces eorum ad Cæsarem pro venia mittendas sollicitaret. Auito patrimonio Palatinus à Baua-

Baua-

Bauaro exutus non est, sed patrimonium ipse Palatinus Arma Iouis fugiens deferuit. Quæ postmodum ab Electore Bauaro gesta sunt, Cæsaris imperio gesta sunt: ita fieri a-mat, qui imperium per scelus quærunt, durum pati-untur.

ANIMADVERSIO VII. Scripseram. Non multa fi-dei capita eligere Caluinistas, sed omnia abijcere. & A-nimaduersor. *Apparet Fabium melius in versificãdo, quàm in Reformatorum libris versatum esse.* CAST. In tuorum libris versatus esse non cupio; nemo venena innoxius tractat, cupio apud vos docentes dediscere: Do-ctoratum non affecto. Vobis autem parum in religiosa pera remanere nemo est, qui nescit. Vix Baptismus supe-rat, Coena Domini popinariæ similis est; Conciones ne-quaquam ex scriptura, sed ex malè sanis Prædicantium ce-rebris profluunt: neq; nego inter vos esse maiorem con-cordiam, quàm inter alias sectas, quia vbi parum reliquũ est, non potest suscipi magna contentio.

ANIMADVERSIO VIII. Fabius reprehendit inter-ceptores litterarum, & rem totam imputat Caluinistis. & Animaduersor *Non probare Fabium, milites in Ve-redarium incidentes Caluinistas fuisse.* CASTIGATIO. Milites illi epistolarum raptores militarunt Caluinistis, qui si religione Caluinistæ non fuerunt, opere fuerunt, & ex mandato Caluinistico Veredarios spoliârunt.

Quæsieram à Caluinistis, cum Cæsaris hostes ad eum diem

diem esse noluisse, ne se infami perduellionis nomine polluerent, ecqua de causa Cæsaris litteras incidissent, & sacrosancta signa violassent cum manifesto læsæ Maiestatis crimine? Respondet hoc loco Animaduersor, *Fasciculum apertum, & Cæsaris litteras promiscuè una cum reliquis per homines suspectissimos scriptis, ab hominibus militaribus in castris perlectas fuisse nemini adeò mirum videri potest.*

Bellè, mi scriptor, homines militares mecum committis, qui pugnæ thoracibus tecti molliùs excipiant. Fortasse ijdem milites prælium librariū etiam Heidelbergâ in castra auexere, vt in campis Epistolas typis subijcerent, ne facinore contaminarent se Consiliarij, si ipsi hanc operam Cæsari impenderent: multa militari licentiæ permittuntur, & silent non leges solùm, sed etiam honestas vitæ, virtusq; inter arma Calvinistica. Dein *in bello hoc*, ait Animaduersor, *& causa Bohemica, uti verè priuata, Cæsarem non Cæsaris, sed Archiducis personam representare, & proinde Archiducis iure censeri debere, multis in locis demonstratum fuit.*

Nihil responsum est, mi Scriptor, quia Regna, quæ Cæsar possidet, quocunq; nomine seu electione, seu hereditate, seu Vxoriam dote, seu emptione, seu belli iure ea possideat, Cæsaris sunt, & sacrosancta esse debent: Omnis iniuria personæ inferitur, non metaphysico gradui. Quid enim

enim

enim diceret, si superessem ex incolis Sponheimensis Toparchiæ (vnde sibi tuus Palatinus titulum Comitis arrogat) & ob adempta bona colaphum Principi infligerem? Ad quem, oro te, illa iniuria pertineret, an ad violentum Comitem, an ad Electorem Principem? Quid si te cederem, & in ius vocatus, interrogatusq; cur tantum Palatini Consiliarium percussissem? responderem non consideravi illum cum tanto titulo, sed intuitus sum eum veluti Nepotem Semiprædicantis; facinus immane non erit eiusmodi hominem contundere. Hic ego expectarem quam sententiam ferres? multa certe duorum florenorum non indiceretur, iniuria magni Consiliarij vindicaretur. In Cæsarem peccastis Calvinistæ, cum Aquilam rupistis; nam hæc avis Cæsaris est, non Archiducum.

ANIMADVERSIO IX. Scripseram Calvinistis, nec tres uncias de omni Christianismo superesse, ablegatis propè omnibus Sacramentis. & Animad. *Hoc dictum, etiam Lutheranos petere.* CASTIGAT. Iam constat, nobis in religione cum Lutheranis non convenire; civili tamen pace, & germanâ animorum amicitia tot annis per quietem firmatâ convenire, nemo non videt, nisi qui vtrisque invidet Calvinistæ.

Subneçit Animaduersor. *Porro in Reformatis Ecclesiis, aut in earundem Confessionibus deceri Impios calum (sunt verba Fabij) intraturos; hoc constatissime negatur, & probatio Fabio incumbit.* Respon-

deo hæc esse verba mentientis Caluinistæ, non Fabij: nam postquam hic ostendit vos omnia propè, quæ religionis sunt, reiecisse, & nihil pij aut sacri superare, periodum his finit. *Impij de vobis cælum intrabunt, aut nulli.* Nusquam Fabius scripsit *vos hoc aut in Ecclesijs, aut vestris Confessionibus docere;* sed ita apud vos res fluere, ut non templis solùm, sed etiam hominibus profanatis, vel Impij tantùm de vobis astra petant, vel nulli: atq; hoc Fabius credit; prius neq; ipse credit, neq; vos credere credit, alioqui vos stultos crederet.

ANIMADVERSIÒ X. Scripseram Caluinistas Augustanæ Confessionis priuilegijs non gaudere. & Animaduersor. *Non esse Bauarorum, nec reliquorum Romanensium statuere, & decernere, quinam ex Protestantibus Augustanæ Confessionis addicti, quiue ab ea dissentire dicendi sint.* CASTIGATIO. Imperij Ordi-

num id iudicium est, & iam sententiã suam dixere Anno 1566. in Comitijs, quibus iam perieratis, nisi miseratio Lutherana *infirmis fratribus* propter emendationis spẽ Cæsarem, aliõsque Proceres placasset. Atq; hæc Imperij sententia Naumburgi in Sacramentarios iterata Caluinistas desperare iussit. Itaque viri Heidelbergenses permissi estis viuere in Imperio precibus alienis, non iure vllõ; quidquid iussit tuus Æmilius Chreggene in sua Velitatione. Sed quid audes pronuntiare, *non esse Romanen-*

nensium, seu Catholicorum decernere, qui Augustanae Confessionis consortes sint? Tam Catholicorū est, quàm Lutheranorum, nam his soli pepigere religionis foedus, Sacramentarijs nullus in his cōuentis locus, etiam si iterum plores, quòd tibi ianuam obijciam.

ANIMADVERSIO XL. Scripseram me nullum Calvinistam vidisse flexo poplite Numen venerari. & Animaduersor. *Parcius ista Fabius Calvinistis obijcienda meminisse debebat, quia nec Lutherani poplite flexo in templis precari vulgò solent, nec tamen stantium preces Deo ingratas esse, vel ex Publicani exemplo Luca 18. discere poterat Fabius noster, melius, uti cōiectare licet, in Ausonio fortassis, & in Martiale, quam in nouo testamento versatus.* CAST. Et stantem inter preces, & genibus incumbentē laudo, imò etiam sedentem, aut si aliter non possit, iacentem. Animus potissimum precatur, qui apud Deum optimum situm habet, cū ipse optimus est, & pietate ardens. Cæterum haud dubiè cū vni Deo vera adoratio debeat, rectius colitur cœleste Numen prostrato corpore, quàm stante. Signum id iustæ demissionis est, & reuerentiæ summæ, quā Domino Vniuersorum debemus; nisi fortasse Calvinistæ nihil debeant, certè ita viuunt, Ausonium, & Martialem legi, sed & nouum testamentum quoq; ac complures inueni flexos, quàm erectos preces fudisse. Et inter alios

Principem omnium Christum Dominum, qui in genua, & faciem fusus patri preces obtulit nimis horrendę mortis supplicium deprecatus, quod Iudei erant illaturi, Calviniste per prophanam religionem repetituri.

ANIMADVERSIO. XII. Scripseram. In Missa Christum à nobis adorari, quem specie panis latentem credimus, quòd id Christus credere iusserit. & Animad. *Reformatos credere panem esse Corpus Christi.* CASTIG. Nihil aliud hìc super vestra cœna dicere possum, quàm *Benedicite.* Vbi dixit Christus, *panis & corpus meum?* Tace impie, panis pistoris opus non est Christi Corpus; sed non pergo in hac palæstra, ne fœdiùs labaris; discere Codicis arcana, ad Theologiam hebet intellectus tuus.

ANIMADVERSIO XIII. Dixeram Munzerum Duce[m], Calvinisticum tubicinem Rusticorum fuisse. & Animad. *Tempore Munzeri nomen Caluini in Germania inauditum fuisse.* CAST. Non nego Munzeri tempore inauditum fuisse Caluini nomē, Felices essemus, si nondum audiretur. Munzerus tamen dogmate Calvinianuserat, belli funesti tam idoneus auctor, atq; si à Calvinistis didicisset, aut certè ipsos docuisset.

ANIMADVERSIO XIV. Scripseram, Procere[s] Calvinianos à Camerario, Plessio, & similibus furenti spiritu inflatos infaustum Martem ex Orco euocasse. & Animad. & querit: *Qui sint illi Procere[s] Calviniani?* CAST. Notiores sunt Animaduersori, quàm mihi; certum est Calvinistas

nissas inchoasse bellum, & quia vulgus ad consilia non admittitur, certum est Proceres in Bohemia auctores fuisse, tibicinibus Camerario, Plessio, & similibus, quod tamen si in actibus publicis non inuenirem; facta publica me docerent, omnia consilio geruntur, & Consultores sunt Camerarius, ac Plessius, etiam ubi Consiliarij nomen non habent.

Vide infra
tionem D.
Donz scri-
ptam à Ca-
merario.

ANIMADV. XV. Scripseram translationem Electoratus in Bauariæ Ducem Germaniæ profuturam esse. & Animad. *Electores Saxonia, & Brandenburg in alia esse sententia.* CAST. Respondco me meæ adhuc opinionioni inhaerere, & Electorem Saxonem mutatâ sententiâ calculum quoque suum adiecisse meliori, quando Bauarum Collegij Electoralis socium professus, vnicum Brandenburgicum aliter sentientem deseruit.

ANIMADVERSIO XVI. Scripseram nos cum Lutheranis in Imperio certâ, fidâque pace viuere. & Animad. *Plurimos ex illis dubitare non sine causa.* CAST. Non video dubitandi causam, quia toto hoc temporis spacio quo Passauij pax inita, nec seditionem, nec bellum vllum mouimus aduersus Lutheranos; & aduerto tibi admodum dolere pacatum viuendi genus nostrum; cuperes nos peiores, vt iustius reprehenderes. Pacta religionis hactenus inuiolata armis mansere, quis ambigat de futuro? iidem sumus: Si Catholici docent pacta cum hæreticis non esse seruanda, intelligunt illicita pacta; sed pactum religionis

D 3

inter

inter illicita nunquam numerauimus. Quia verò sacro-
 sancta omnia volumus, de quibus honestè conuenimus,
 Episcopatus & alias Ecclesias ex pacto nobis attributas
 meritò cordi habemus, neq; vllus iuris, & iustitiæ amans
 nos coget, vt spontè æquissimæ causæ cedamus. Quis pro-
 hibuerit nos fas & æquum inuocare, & ad Imperij tribunal
 ambulare, vt nostra quæ pacis religiosè Constitutio nobis
 reseruauit & concessit, recuperemus? Armata litem nū-
 quam egimus, neq; agemus, quia Caluinistæ non sumus;
 placet amica disceptatio, in qua si probauerimus aliorum
 non esse, quæ nostra sunt, obtenta causa erit. Frustra igitur
 postulas, vt nostra proijciamus, & concedamus Caluini-
 stis. Non est animus nostra donare, vos Caluinistæ multa
 nobis alioqui via aufertis. Quod P. Adamus Conzen lib.
 9. Politicorum cap. 42. scribit, & suadet Tridentinū Con-
 cilium suscipiendum, vt pax Germaniæ reddatur, non ar-
 bitror improbum adeò consilium esse: primò enim id i-
 psimet Protestantes censuerunt, atq; idcirco ab anno 20.
 sæculi prioris, vsque ad trigesimum Augustanæ Confes-
 sionis natalem, Concilium Generale ad hunc finem in o-
 mnibus Comitijis postulârunt. *Ad cuius*, inquit in
 præfatione suæ Confessionis, *Generalis Concilij conuē-*
tum simul & *ad V.C.M. in hac causa longè maxima,*
& grauissima iam antè etiam debito modo, & in for-
ma iuris prouocauimus. Cui appellationi ad V.C.M.
& Concil. adhuc adbaremus, neque eam per hunc vel
aliū

alium tractatum deferere intendimus, aut possumus. De quo hic solemniter, & publicè protestamur. Hæc Confessionistæ nō malè de pace stabili ominantes, si arbitriū Concilij inter ambigētes de religione interueniret. Interuenit autem Tridenti, & quid suę sententię in omnibus controuersis capitibus esset, aperuit, atq; etiam summā in terris potestate sanxit; pareatur ergo ei, & inter idem sentientes pax facilè conciliabitur. Dices, Concilium postulatum fuisse Liberum; rectè: liberum fuit. Venerē Protestantes, abiēre nullo morante. Auditi fortasse non fuere? locuti non sunt, etiam inuitati. Assidere etiam debebant & iudicare? non est reorum pro tribunali considerare, neq; vnquam Ecclesię moris fuit, vt accusati, aut suspecti de hæresi, quiq; legitimā auctoritate carerent, subsellia Iudicum occuparent.

ANIMADVERSI O XVII. Scripseram Confessionistas nobis morte dignos nō esse. & Animad. *Lutherani nominatim quot annis per Bullam de Cæna Domini à Papa excommunicantur, cuius excommunicationis hic effectus, vt absq; vltiore cognitione in damnatos cuique animaduertere liceat.* CAST. Respondeo, mi Animaduersor, te in primis imperitè Bullam Pontificiam de Cæna Domini indigetare; non est illa Bulla de Cæna Domini, sed Cæna Domini dicitur, quòd eodie, quo memoriam vltimę Cænæ colimus, promulgetur. Deinde aio te grandius mendacium euomere, quàm si ipsam

ipsam Romam euomeret; falsissimum enim est licere cuique in excommunicatum animaduertere: vix audeo monere te, vt mendacijs abstineas, quia elinguem te facerem, & mutum. Quæ priuati priuatim scripsere, aut publicè, aut priuatim excusent; nos horum patronos non agemus.

ANIMADVERSIO XVIII. Scripseram Palatinum libertati Germanicæ compedes minitatum esse. & Animad. Hoc idem esse, ac si dicerem ouibus imminere periculum à canibus, & à pastoribus, qui pro earum salute contra Lupos excubant, & propugnant. CAST. Progressus identidem facio, & disco hîc 1. Palatinum esse canem, & pastorem. 2. Germaniæ Principes Protestantes esse oues. 3. Catholicos esse Lupos. Et de canis quidem nomine tecum non contendam; miror tamen tam honesto Principem tuum abs te titulo compellari, fortasse quòd multos innocentes mordicùs incesserit, & lacerauerit. Pastor quomodo sit aliorum, non intelligo; quâ enim potestate hoc sibi Pastoriciû munus arrogat? Nemo extra Palatinatum ouem se ciui proſitetur; nemo proscriptû & profugum Pastorem desiderat: neq; nos Lupi sumus; quia prædam nullam rapuimus, sed raptam fugiēti Lupo excussimus. Si Lupi essemus, fugato Pastore iam pro lubidine ouium greges inuaderemus, tonderemus, voraremus; nos inuasi, nos tonſi, & propè etiam vorati sumus.

Rictum

Rictum patenter arma impleuere duræ & diuturnæ digestionis, vt spes sit, haud deinceps futurum, vt stimulan-
te rursus fame prædam de alienis agatis.

CIRCA CONSIDERATIONEM SECUNDAM

ANIMADVERSIO VNICA. Scripseram nescire me,
quid controuersia Ferdinando Cæsari Caroli Imperato-
ris successori, Pontifex mouerit. & Animad. *Mirum
est fateri Fabium, hominem, ut videtur, multa lectio-
nis, hoc ignorare se.* CAST. Fabius Scriptores, quos no-
minas, legit, neq; tamen omnia quæ legit, se scire profite-
tur; quia quædam non credere, quoddam nescire est: imò
nonnulla ignorare nos subinde dicimus, quod nec tem-
poris sit nec loci, eorum meminisse. Concertationes Cæ-
sarum ac Pontificum, temeritatem vestram nec aggrauât,
nec minuunt. Quid ergo illæ ventilentur, vt de ista fitea-
tur? quoddam defensionis genus est Calvinistis sæpè v-
surpatum, Lectorem abducere, & aliena oculis obijcere,
ne propria videantur.

CIRCA CONSIDERATIONEM TERTIAM

ANIMADVERSIO I. Scripseram Palatinum Pragæ
profectum Regium solium inuasisse. & Animad. *Publicè*

E

consta-

constare Palatinum post solemnem electionem, quam Bohemis competere communis fere totius Europæ opinio erat, ab Ordinibus in vacuum regni possessionem introductum fuisse, CAST. Tria affirmat hic Animaduersor 1. est, constare post solemnem electionem in Bohemiam Palatinum introductum. Nouimus hoc nimium; imò & sentimus. Alterum est, introductum Palatinum fuisse in vacuum regni possessionem. Falsum hoc est nimium; nam possessio non fuit vacua, quia Rex prior vivebat adhuc, & qui euacuare solium conabantur, in vacuum, ut sic dicam, nitebantur. Abdicatio nulla fuit, electio nulla, introductio nulla, nisi scenica. Tertium, communem fere totius Europæ opinionem fuisse Bohemis Electionem competere; Discernamus sermonem tuum implicatum; potuit fortasse fieri, ut multi putauerint Bohemicam Coronam in quemcunque electione conferri posse, hæreditate non venire; tametsi aliud Cæsarum diplomata, & mos non interruptus doceant, nemo tamen opinari, si sanæ mentis fuit, potuit, Bohemis eligendi ius esse alio iam electo, imò & coronato. Quis hanc electionem probauit? tota fere Europa: Romæ parsuprà mēdacium protulisti; nunc magnitudinem Europæ insanā linguā eructas. Numeremus Europæ regna & prouincias: Hispania Electionem hanc damnauit; Maior Italiæ pars auersata est, Rex Galliæ nullam iudicauit, Rex magnæ Britanniæ non suauit,

suasit, Rex Daniæ periculosam putauit, Rex Poloniæ improbauit, Suecus in publicum dissimulauit. Moscus fortasse eam ignorauit. Quid Europæ superest præter Germaniam & Caluinianam Daciam? In Germania Catholici Electionem hanc derestati sunt, Saxo Septemuir execratus est. Soli Caluinistæ, & pauci Protestantium à Caluinistis decepti, eam pro legitima habuere, aut si alij sunt, huius Electionis patroni ac vindices, nomina.

ANIMADVERSTIO II. Adscripseram alicubi culpam motuum Bohemiæ, Moraviæ, Silesiæ, Lusatie, Caluinistis, &c. Animaduerfor. *Rerum summam, & arbitrium his in regnis non à paucis Reformatis, sed à multitudine Lutheranorum dependere.* CAST. Respondeo 1. veritatem ab Animaduerfore non dependere, quia præcipui Bohemorum Caluinistæ sunt & Picarditæ. Respondeo 2. Caluinistarum quosdam apertò esse, quosdam Lutheri nomine reectos, quòd inuisa sit Caluinistarum in Imperio religio, propter crebras belli turbas, quarum fecundissima genitrix est.

ANIMADVERSTIO III. Egeram de interpretatione Cæsarearum litterarum ad Zunigam, ostenderamq; ex nullo pacto Palatinatum Bauaro fuisse promissum, antequam Fredericus Bohemiam occuparet. &c. hic Animaduerfor. *Quidquid Fabius dicat, huc saltem res redit, ante prælum Pragense, & ita ante publicatam Banni sententiam Electoratum Bauaro promissum &c.*

natum fuisse, & quidem ultro ac sponte, id est, *Electo-
ribus inconsultis*. CAST. Rectè habet, mi Animadu-
sor, quòd sermonem tuum non obstinatè propugnes, sed
tacitè fatearis te conuentu Cæsarem inter Monachij com-
morantem, & Bauariæ Ducem commentum fuisse, pro-
missionem Cæsaris adhuc refricas, quæ si contigit multis
hypothesibus fulciebatur; nam pollicitatio illa pendebat
à multis euentibus. Si proscripsero Palatinum, si occupa-
uero ipsius prouincias, donabo, poterat Cæsar dicere: Et tu
iterum, geminum sensum inuoluis. Demus *Electo-
ribus inconsultis* (excipio casum in atroci crimine læsæ Maie-
statis, quando ipse proscribendus in crimine perdat, at-
que ita armis & violentiâ iuris ordinem confundit, vt nec
ab aduersa parte ordo & iuris solennitas seruari possit) ne-
minem Electorum proscribi posse, non tamen damus,
Cæsarem Prouincias, quæ ipsi cadutæ sunt, nemini pro-
mittere, aut donare posse.

ANIMADVERSIO IV. Scripseram cum professus
Confessionis Augustanæ nullam nobis esse inimicitiam,
nullas rixas. & Animad. *grauissimas esse, & liquere ex
Catalogo grauaminum*. CAST. Et si vtrinq; nobis non
idem animus in omnibus sit, eò quòd Lutherani antesi-
gnanis Caluinistis quædam velint, quæ nos nolumus, quia
& ipsi quædam nolunt, quæ nos volumus, hostes tamen
non sumus, vt ferro disceptare sedeat. Interea tamen ne-
mo verabit nos, nostra iure aut defendere, aut quærere.

ANIMAD.

ANIMADVERSI O V. Scripseram Religio Prot-
 stantibus in tuto erit, si nos ab ijs fuerimus. & Animad-
 uerfor. *Sed an bona Ecclesiastica illis in tuto futura*
sint, per mentalem Jesuiticam reservationem, ut ipsi
loquuntur, astute omittit. CAST. Si pacem religionis
 eum Lutheranis seruamus, officium iam præstitimus sa-
 cramento promissum; Sed ipsis quoq; si probiviri haberi
 volunt, conuentis standum est. Episcopatus & Ecclesiæ
 ante Passauiensẽ pactiõem occupatę, illorum vsibus
 cessere, quæ supererant, nostri iuris mansere, ita stipulan-
 tibus ipsis Lutheranis. Hæc ut vobis donemus, rogare
 potestis, vi auferre non potestis sine ingenti iniuriã, quia
 nostra sunt etiam vestra confessione, & concessione. Et
 quæso quis aduersus nos stomachetur, si quę nostra sunt,
 iure vindicemus: iure dico, nam armis non vimur, nisi in-
 vtentes, quod Caluinistæ experti sunt, & tamen nec dum
 sapiunt.

ANIMADVERSI O VI. Scripseram ius per Prouin-
 cias Imperij non esse idem Caluinistis, quod est Catholi-
 cis, ac Lutheranis. & Animaduërfor. *Fabium, & reli-*
quos Ligistas incompetentes Iudices hac in parte esse.
 CAST. Quis erit tandem competens Iudex? Lutherani æ-
 quę dicunt vos precariõ in Imperio viuere, atque Ca-
 tholici.

ANIMADVERSI O VII. Scripseram ea quæ Cæsar fe-
 cit in proscriptione Palatini, Cæsareã potestate fecisse,

summóq; iure. & Animad. *Sanè summum ius, sape summa iniuria est, secundum illud vetus.* CAST. Arbitrabar Calvinistas esse intelligentiores Lectores; per *summum ius* non intelligi seuerissimū, sed ius summi Magistratus, quod est Cæsareum, tuo iudicio minimè tantum, vt Electorem possit suo loco deicere; potest, & potuit in tam immani, & pernicioso, atque etiam præcipitato Reipubl. casu. Cur iudex moretur, quando reus pergit, & perdit orbem?

ANIMADVERSIO VIII. Scripseram Palatinum regno Bohemiæ inhiasse, antequam antecessor moreretur, & Animad. *Verius de Bauaris dici potest illos iam inde ab aliquot centenis annis Palatinatui inhiare.* CAST. Palatinatui ab aliquot sæculis inhiasse Bauaros Calvinistica veritas est, imò Palatinatum Rudolpho fratri iure belli ereptum, filiis eius singulari humanitate restituit Bauarus Imperator Ludouicus; Ius duntaxat Electorale, quo per Caroli IV. hostilitatem, & perfidiam liberorum Rudolphi spoliari sunt, obliuioni tradere noluerè. Cōueniant olim posterì Ludouici Rudolphiq; vt Septemuiratus munus per alternas vices administrarent, idq; firmarūt litteris adhuc hodiè superstiribus apud Gevvoldum *in libello de Septemuiratu.* Verum non homines solum, sed & ipsa tempora Bauaris fuere iniqua. Ludouicū, cuiusque filios reddiderat inuisos Pontificia per Europam pro-

proscriptio. Electores metu eiusdem Ecclesiastici gladij amici esse non audebant, Caesar Carolus diu ante emulus, iam adhuc hostis, atque etiam affinitate iunctus Heidelbergensem Principem vnum, solumque in omne deinceps tempus Electorali dignitate ornauit, non sine insigni Bauaricę domus iniuria, & dedecore Palatinorum, quibus immanis arrogantia potior fuit, quàm data & signata fides. Atque hinc est, quod Bauari, cum præter meritum se tam graui sententiâ multatos opinentur in ingressu regiminis, inuestituram quoque Electoralis dignitatis perant. Neque ego idcirco hoc loco auream Bullam veluti noxiam reprehendi, quia haud dubie salubriter statutum est, vt ad cauendas Imperio periculosas ambitionis contentiones, quę in numerosis familijs & iam eueherant, & deinceps euenire poterunt, certus aliquis Princeps nominaretur, penes quem immutata semper potestas resideret, sed hæc duntaxat querela est, cur contra pacta & promissa, nulla Domus Bauaricę ratio sit habita; eius, inquam, Domus, quę sola clementiâ sua vestram domum iam armis prostratam splendori pristino restituit, non utique eâ lege, vt vos illam deprimeretis. Certè sicut iam inde a principio Bauari causas habuere super iniuriâ protestandi, ita easde adhuc hodie habent, tametsi inuiolabile esse, tanquam obseruantiores magistratuum, patiantur, quod suprema Potestas statuit, atque adeo iam tot annis in more receptum est, donec eadem suprema Potestas, quod statutum fuit,

æquil-

æquissimo iure rescindat. Itaq; Wilhelmus Bauarus impetrare à Carolo V. potuit Electoratus translationem rebellante Palatino, non minus ac Mauritius Saxo impetrauit, atque etiam obtinuit, abdicato ob rebellionem Frederico.

Cætera, quæ de hodierno Duce, & Electore nostro Maximiliano commemoras, ex malignitate Caluinistica proficiscuntur. Gevvoldus suâ auctoritate, nullo Principis imperio accedente, imò antequam lucem aspiceret, nesciente, librum de S. R. Imperij Septemuiratu vulgauit, in quo inter cætera demonstrat, Electoratum non Palatinatus, sed Gentilicium decus esse domus Bauaricæ; neq; enim Electores fuere Heidelbergæ Principes, ob Comitum Palatinorum prærogatiuam, sed quia genus duxere à Bauariæ Ducibus, Septemuiratus honoris ab antiquo hæredibus. Hæc cum sola Gevvoldus disputet, neq; ob auream Bullam Comitibus Palatinis vllam litem intendat, quid est, quòd tu nimis licentiosâ Bacchatione in Electorem Bauarum inuoharis his verbis: *His non contentus Dux Maximilianus, qui iam rerum potitur, ante aliquot annos per publica scripta, à Gevvoldo edita, Palatina domui de Electoratu contra expressam, & inuiolabilem Aurea Bulla sanctionem, controuersiam mouere non dubitauit, hac nimirum spe, facile in perpetuis hisce Protestantium, & Pontificiorum Statuum Imperij dissidiis euenire posse, ut sibi, à rebus*

omni-

omnibus ad vim faciendam parato, & Pontificij fœderis Duci, aliqua ex insidijs inuadendi, & occupandi Palatinatus occasio offerretur. Vnde conyćere facile est, & quem scopum Maximilianus, socia arma cum Austriaci iungens, habuerit, & quam auidè oblationem Electoratus Palatini, à Cesare factam arripuerit. Palatinus certè ne verbo, imo ne nutu quidem vnquam Bauarum laeserat, sed summo semper honore, & cultu fuerat prosecutus. Consilium nō est hic, ad imitationem Fabij, versiculos allegare de ambitione, & natura mortalium auida (ut Salustius ait) Imperij: tantum Lectorem monere visum est, Bauarum eadem ratione agendi, seu stratagemate potius in Palatino ex Electoratus possessione deijciendo, quod Catharina Medicea, regina Gallia, femina astutissima, olim Cosmo Mediceo, de sessionis & dignitatis prerogatiua cum Ferraria Duce contendenti, suggessit, usum fuisse. Dicebat enim illa, in presentiarum satis esse, si controuersiam de prerogatiua Cosmus Ferrariensi moueret. Sic enim euenturum, ut ius Ferrariensis in dubium reuocaretur, & ille paulatim de possessione deijceretur: quod & paulo post accidit, ut scribit Thuanus lib. 44. histor. Plane consimili modo, occasione belli Bohemici Bauarus in Ele-

Et oratum, de cuius iure ante aliquot annos licem mouerat, sese intrusit.

Putidissima, & vanissima omnia ista sunt, Animaduerfor, Nulla vnquam Principem nostrum cupido titillauit, aut adipiscendi, aut armis occupandi Palatinatum vestrum, antequam hostes fieretis. Argumento inuicto est, quod Palatinum tuum in misera fata ruentem, cohibere laborarit tot epistolis, & consilijs: si ambitio, si auaritia peccatus Bauaricum occupasset, currentem aut impulisset, aut cunctantem incitasset, ut obtineret, ad quod aspirauerat. Ridiculum est, si cupiam fratrem meum ob hereditatem mortuum, & interim illi procurem sanitatem. Reginae Galliae factum noster Princeps non est emulatus: Illustriora illum exempla, quae imitari laudis sit, mouerunt. Astutias alieno honori graues non amat, & reipsa ostendit, quando vos alterius regnum Caluinistica arte inuadentes bello repressit, nimiamque ambitionem ultore Marte castigauit.

ANIMADVERSI O IX. Scripseram. Tota Germania nisi qua Caluinistica, Palatinu damnauit. & Animad. *Et iubet me expectare libera comitia, in quibus sim auditurus, metu armorum remoto, alias voces.* CAST. Expectabo, mi Animaduerfor, quascunq; auditurus, modo vestras non audiam.

ANIMADVERSI O X. Identidem Fabius agit de transactione Vlmensi. & Animad. *Bauaros in illam*

non uno modo peccasse. i. enim Cancellariam An-
haltinam in lucem ediderunt contra verba, & men-
tem transactionis. Deinde in transactione Ulmensi
cautum etiam erat Palatinatui in specie. CAST. Ri-
 diculum est per pactionem Ulmensē cautum fuisse, ut
 nihil aut de te dicerem, aut scriberem; nihil de Cancellaria
 eo tempore decerni potuit, quia nihil de illa *consarci-*
nanda, ut vos loquimini, constabat: quanquam neque in
 illa de vobis quidquam scripsimus, sed vos de vobis. De-
 inde pacem Ulmē initam nos non rupimus, sed à vestris
 ruptam vindicauimus; Falsum enim est Mansfeldium tum
 demū ad Bambergenses Canonicos hostiles litteras scri-
 psisse, quando vidit Tillium ex Bohemia, Bauarum ex Ba-
 uaria Palatinatui imminere; diu antè scripserat. Deinde
 quæ causa fuit, ut hi duo exercitus vobis imminerent,
 Mansfeldius Tillianas copias inuaserat, occiso Baurio mi-
 litari Tribuno: Bauaris intuta itinera fecit, in terram ho-
 stiliter irrupit, Principem Leichtenbergensem Bauari, &
 pacis Ulmensis fiduciā nihil hostile metuentem, Prouin-
 ciā exiit, atq; etiam manus iniecit captiuum abducens,
 grauis accola & Bauariæ & Bohemiæ, in quam reditū pa-
 rabat. Bauarus Elector non existimauit tam perniciosi Vi-
 cini iniurias tolerandas, iuit armatus in illum, & cum pro-
 pè circumdedit, inuenit improba vulpes technam, quā
 per mendacium euaderet. Etiam Veerius tuus non ideo
 pacis violatæ in inferiore Palatinatu reus non est, quòd tu

eum defendas. Milite pagos illius occupare, cui pacem promisi, hostilitatis opus est. *Dein etiam ipse Episcopus Spirensis consilio & ope Cordubam inuit.* Quâ ope oro te Animaduersor? ne vnum quidem bellatorem illi submisit. An fortasse commeatum? & quo pacto vetitum erat vêturo & rapturo aliâ militi victum negare? An pecuniâ inuit Cordubam? Libellum rationum ostende, quot auritonnas subministrarit. Falsum est, ut vno verbo respondeam, Violatorem pacis fuisse Episcopum Spirensen.

Denique omnia illa, inquit, quæ à Fabio de Episcopo Spirensi, & Archiepiscopo Moguntino à Mâsfeldio, & Veerio vexatis narrantur, tametsi à nobis concederentur, tamen ad excusandam Electoratus Palatini oblatis acceptationem parum faciunt, ut pote quæ toto vertente anno postea acciderint, nec à Bauaria Duce tempore oblationis, & acceptationis prouideri potuerint, ostendat ergo Fabius, quomodo oblatio Electoratus bona fide accipi, Palatinatus deinde illas transactionis verbis hostiliter occupari, & occupatus iuste & honeste retineri & possideri possit. Conferte laborem vos Aduocati Monachienses, latebras ingeniorum vestrorum excutite, componite, susurrates partem hic suat, partem ille farciat: aliquid procudite, aliquid protrudite (licet enim, & fas sit,

verbis,

verbis, quæ Fabius sub finem Lituræ usurpat, uti) laterem profecto lauabitis. Haudquaquam opus est, mi Camerari, ut plures tubâ conciam ad labores ingenij conferendos, neq; enim tu tantorum lacertorum es, ut Herculem referas, cui etiam duo nimius numerus est. Mihi vni hic Antæus palma erit. Quid autem cum ratione blateras? aliud est promittere, aliud est offerre, aliud acceptare. Cæsar, cum iâ omnia extrema meruisset tuus Princeps, regni alieni usurpatione, potuit promittere Bauaro Electoratum ex hypothesi, deiecto scilicet Friderico, omnibûsq; spoliato, atq; armis occupata Palatinatus ditio-
ne. Hæc de infenso hoste cogitare potuit Cæsar, hæc postmodum facere. Itaq; fugato demû Friderico, & possessâ eius per bellum terrâ, honor Septemuiratus Cæsaris imperio, in auitam Bavarix donum remigravit, meliorem iure, quam fide à Principibus vestris olim ruptâ, violenter excesserat, eius oblatio, & acceptatio in annum 1623. incidit, ita ut à Mansfeldij, & Veerij violatione pacis intercurrerint duo propemodum anni, & tu temerè dicas oblationem & acceptionem contigisse ante fractum à Mansfeldio, & Veerio fœdus, & quidem *toto anno vertente*, ut loqueris ineptissimè. Quis enim totus annus vertens est?

Venio ergo, quia me inuitasti & ostendo, à Bauaro bonâ fide potuisse possideri, retineri. Cæsar, cui hæc ab summo Magistratu, quem gerit potestas, Palatino tan-

quam rebelli, & proscripto dignitatem Septemuiralem ademit, sui que iuris fecit, factam Bauaro optimè merito Principi cõtulit, Legitimè collatam Bauarus accepit, possidet, & retinet. Prouinciam superiorem, magnamq; partem inferioris, iustis armis Cæsaris iussu & nomine occupauit, occupabitq; donec vel reddi mandet, vel vos, vel alij auro, armisue recuperetis. Ludouicianum illum astum in Gallia quondam machinatum omitte; non est nostri Principis pro fide verba dare. Vlmensia promissa stabant apud nos sacrosancta, vos temerastis primi, & recordaris adhuc idē vobis obiecisse Trumbultium, Regis Angliæ Bruxellis Residentem. Non cares memoriā, sed nos carere velles.

Vide litteras
Trumbultij.

CIRCA CONSIDERATIONEM

QUARTAM.

ANIMADVERSIO. I. Explicaueram litteras signo militari primario inscriptas, nempe E. T. S. I. hunc in modum. EST TEMPVS SVM ENDI IMPERII. &c. Animaduertor. *Quomodo autem Fabio constare potest litteras illas, Latinam potiùs, quàm Gallicam, aut Germanicam, aut Belgicam, aut Bohemicam, aut Vngaricam significationem habere? Ex his enim nationibus exercitus erat compositus. Quamuis etiam constaret latinè illas litteras interpretandas, tamen longè alium sensum, quam qui à Fabio excogitatur, ex illis pro libitu*

bitu elici posse nemo non intelligit. CAST. Macete hoc acumine, mi Animaduersor, scio varia posse elici ex his literis; sed quaeritur, quis rectius diuinet, & magis ad mentem eorum, qui tum re ipsâ laborârunt, vt Imperator nullus esset, quo facto facilis successio fuisset, & haud dubie tempus fuisset sumendi à Caluinistis, quod Imperatore perduto amissum fuisset. Audete & explicate ipsi has notas: si alia significatio fuisset, iam ego eam depictam, sculptam, & typis formatam viderem, vt vanus viderer. Confutate me, & edocete veram.

ANIMADVERSIO II. Scripseram nobis Catholicis adhuc Aurea Bulla sacrosancta fuit, eritq; etiam deinceps. R. Animaduersor. *Fabium sibi ipsi contradicere, nam alicubi docuit Carolum IV. contra ius & fas spoliasse Domum Bauaricam Electoratus dignitate.*

CAST. Mi ^A nimaduersor contradictionem nullam animaduerto, instrue me. Carolus IV. à Palatinis Heidelbergensibus inductus 1. Septemuiratu priuauit Bauaros, deinde tulit in Comitij legem, vt perennis hic honos solius Palatini Heidelbergensis esset. In primo dixi Bauaros immerito læsos; in altero rectissime dixi, legem etiam in iusto dolore fuisse nobis inuiolatâ. Vbi est, quaeso, tibi laudata *contradictio*? circa vnum, idemq; recipitur illa, non circa diuersa. Princeps tuus belli fortè causâ vetat frumentum euchi, tibi agrè ferenti, & ex frumento exportato speranti magnam vim auri, lex hæc incommoda est,

atque

atq; etiam indignationem parit, interim tamen toleras legem, neq; frumentum effers. Quòd si palàm dicas te legem seruare, etiam tibi contradicis, si non fallit Dialectica tua; certè te non fallit, quia nihil te docuit. Dicis: *nos Electoratum Comitibus Palatinis ad Rhenum in perpetuum adiudicatum, & attributum non obstantibus fortissimis clausulis Aurea Bulla, à Comitatu Palatino ad Rhenum diuulsum, Duci Bauariae Ratisbona adiudicasse.* Respondeo 1. nullo modo ab Aurea Bulla Cæsari manus inhiberi, cùm contra perduellem Principem agit. Deinde sicut statui potuit, ad bonum Imperij pertinere videri, si solus Palatinus ad Rhenum inter Septemuiros federet, ita iam variato rerù, morùmq; cursu statui potest, vthic honos, vnde olim profectus, in Bauariam remigret. Demum nondum video Electoratum ab Heidelbergà diuulsum, quis enim iam occupat Heidelbergam? an Palatinus? Cùm igitur Heidelbergam non possideas, cui annexum Electoratum Carolus I V. voluit, quid Electoratum contra Bullam reposcis? Porro *neq; temeritatem, neque fastum*, quem in Vicariatus tui scepro spernendo ostenderimus, ex Aurea Bulla comprobabis: vbi enim in illa Vicario Heidelbergensi Bauariam quoq; subiectam ostendes? Non submittimus nos fascibus quos Cæsar in nos præferri non iussit, neq; nos ipsos eximimus iugo, quod nunquam subiuiimus.

Impe-

*Imperium Calvine tuum tibi solus habeto,
Cesare defuncto munus obibo meum.*

CIRCA CONSIDERATIONEM
QVINTAM.

Non habet Animaduersor, quod quiritetur, nisi de
explicatione Verborum Italicorum, quæ aliter ego expli-
co, ille aliter, neuter forrasse malè, quia hic peius.

CIRCA CONSIDERATIONEM
SEXTAM.

ANIMADVERGIO I. Scripseram simile exemplum
esse in proscriptione Ducis Saxonum Ioannis Frederici.
& Animad. *Dissimile 1. Quòd Carolus V. nihil actio-
nis, aut iuris privati contra Saxonem allegauit; Pa-
latini autem proscriptionem pro principali funda-
mento habere causam priuatam, nempe Bohemicam,
& solum ad domum Austriacam pertinentem.*

CAST. Nimia subtilitas officit huic Animaduersori, &
cum de statim mentis deijcit. Quid nominas *iur priuatū*?
An proprium? tum quæro, an non *priuatum ius* in Im-
perium habeat, qui publico iure Imperator salutatus est?
An non Carolus V. vt Carolus delatum sibi à Sepremui-
ris Imperium contra aduersa arma defendere potuit? Meū
est Imperium, iure Carolus potuit dicere, & qui mihi id

G eripere,

eripere conatur, hunc ego, non ut Rex Hispaniæ, aut Archidux Austriæ, sed ut Cæsar proscribo. Si verò *priuatum* *ius* id vocas, quod discriminatur à publico; non proscriptus Cæsar Ferdinandus Principem tuum ob *ius priuatū*, sed ob publicum violatum; nam qui Cæsaris Prouincias inuadit, quocumq; nomine obuenientes, Cæsarem inuadit, & spolia ibi legit, quò deferre oportebat. Quare ad Imperatorem Ferdinandum pertinebat Bohemiam à Palatino per impia arma occupatam, vindictis recuperare, & refractarium Principem proscribere. Imperium Cæsari auferas, aut alias Prouincias, Cæsarem spolias, à Cæsare puniendus. *Deinde Saxo, ais, & Landtgravius obedientiam Carolo V. publicè renunciarant, & bellum simul indixerant, quorum neutrum à Palatino factum.* Respondeo. Nescisse me Palatinum tam promptam obedientiam Cæsari præstitisse. Mihi homo nullâ subtilitate elabi potes; seu verbis, seu rebus te rebellem ostendas, parum interest. Monitus à Cæsare tuus Palatinus, ut regno per nefas quæsito excederet; illud primò retinere, dein amissum repetere non destitit, neq; hodie desistit. Estne hæc obedientia, quam Cæsari exhibet, an renunciat? At *Saxo bellum Carolo indixerat?* Quid verò indixit Palatinus? pacemne? bello id regnum ademit, plura adempturus, si Cæsar iniuriæ patientior esse voluisset, & ruentem Caluinistarum armis Germaniam contra muneris sui dignitatem ociosus spectare.

ANIMADVERSI O II. Scripseram, Cæsar Regem Bohemiæ defendere potest, & Rex Cæsarem. & Animad. *Ius regium controuersum fuisse inter Ordines Bohemia (qui alium Regem elegerant) & Cæsarem.*

CAST. Respondeo I. Pallium meum si mihi exuas, etiam posse fieri controuersum apud restitutionis intolerantem. Omnia in controuersiam venire possunt, si omnia furis, & de furtis litem moueas. Quæro secundo loco. An liceat Caluinistas, cum ius adhuc cōtrouertitur, per vim alteri dare, ut is, qui ex aduerso disceptat, repellatur: controuersum non est quod alteri das, nisi fateri velis, Bohemos alienum dedisse, & vos accepisse, quod verum est, sed tu tum hîc verum non loqueris. Dicis. *Etiamsi ponatur*

Cæsarem sine controuersia Regem Bohemia fuisse, tamen certum est, Regem Bohemia in Electores, Collegas suos nullum ius habere, multo vero minus Ban- num Imperij contra illos promulgare posse. Respon- deo I. Regem Bohemiæ in hostem suum, siue Collega sit, siue non, habere ius naturæ, & armis armatum prosequi posse. Miror autem te, mi Animaduersor, quod me doceas, à Rege Bohemiæ non posse proscribi Imperij Principem; nemo id nescit, atq; idcirco voluisti, & me id scire, ne quod nemo aliorum nescit, nescirem. Tuus Princeps proscriptus est à Cæsare, non à Rege Bohemiæ, subtili more tuo loquendi, qui identidem Cæsarem in aliquot personas diffecas, ut vni noceas. Cæsar alium Principem indi-

gnapatientem & armis, & contumacium hostium pro-
 scriptione defendere poterat, cur se non possit: vt taceam,
 quod suprà dixi, Cæsareꝝ semper personæ iniuriam infer-
 ri, quocunq; tandem respectu. Dicis. *Cæsar porro et-
 iam in qualitate Cæsaris consideratus in propria cau-
 sa per leges Imperij Germanico-Romani, Electori-
 bus præsertim inconsultis, & iuris ordine non serua-
 to iudicare, & Electorem Imperij in bannum decla-
 rare nequit.* &c. In atroci casu, ingruentēq; exitij pericu-
 lo, cū armatus hostis conuentui indicendo moram ad-
 imit, Cæsarem id posse, quia quando iuris ordo interrup-
 pitur, & alij bipennibus agunt, crimēq; ad eò manifestū
 est, vt nullo argumento demonstrandum sit, utiq; & Cæ-
 sari fas erit humano iure uti, & quocunq; modo Maiesta-
 tem suam vindicare. Respondeo 2. Consultos fuisse Ele-
 ctōres Mülhusij, vbi concors sententia fuit, vtendum in
 hostem Palarinum iure Imperij vsitato: Vsus est Cæsar
 hoc iure, Hostilia facientem monuit, peruicacem, & mo-
 nita contemnentem proscripsit, sine alio Electorum con-
 uentu, quem cogitatum infesta proscriptorum arma im-
 pediuerunt; atque ita in retanti momenti Cæsar Electo-
 res non præterijt: sed vos præterijstis ius & virtutem.

ANIMADVERSIO III. Scripseram Caluinistas iuis-
 se Viennam, causamq; egisse accusatione iaculatoriā, ma-
 gno cum sonitu non verba, sed pilas mittendo in ipsum
 sacro-

sacrosanctum Cæsaris cubiculum. & Animad. Iterum, confundit Fabius tempora, quæ illum distinguere par erat. CAST. Quæ tempora ego confundo? Vos confunditis tempora, & res yniversas Imperij, siue Rex tuus iam in Bohemia fuerit, siue venturus erat, Caluinistæ ad murum Viennæ consedere; tu *Lutheranos illos* indigetas; sed certè pilæ, & immensi bombardorum globi fuere Caluinistici. Scis quid velim, scio & quid tu velis.

ANIMADVERGIO IV. Dixeram. Habeat sanè Cæsar suum Iudicem, cum aut iniuriæ, aut damni apud alios auctore est. & Animaduersor implicatissimè quædam, tandem ista, *Hoc tantum velle Palatinos, Cæsarem siue Senatum Aulicum, non fuisse competentem in causa Bohemica Iudicem, nec iure potuisse Bannum Imperij contra Palatinum decernere, & multò minus vi illius Banni Electoratum in Bauarum legitime transferre. Hoc dixerunt, dicunt, & ut apparet, dicturi sunt Palatini, nec immeritò, ut ipsis videtur.* CAST.

Qua verò de causa non fuit cōpetens Iudex Aulicus Cæsaris Senatus? Estne ab Imperatoris sceptro eximius Princeps tuus? In consilium fortasse & Septemviri vocandi fuissent: vocati fuere Mülhusij, censeruntq; vos monendos, & spernentes imperium, coërcendos ex iure antiquo. Vltima coërcitio, proscriptio est, quæ inter arma festinantia, festina esse debuit; si non ex ore Electorum saltem ex

mentefuit, quam Saxo in fequenti anno, quando Collegio fuo dignatus eft Bauarum, non mutauit, fed Ratisbonenfia dumtaxat verba, vobis, vt rebamini, amica, & veftrę profectura caufa.

Sigismundus, ais, Imperator in litteris ad Conradum Archiepifcopum Moguntinum anno 1426. exaratis de cōtrouersia inferioris Germania prouincias tāgente fcripfit fibi ius fuper iftas prouincias pretendenti integrum non efle in propria fua caufa iudicis munus obire. Quo iure Senatus aula Imperialis, fiue Cafar Ferdinandus in caufa Bohemica iudicis munus obire potuit? Item ait Sigismundus, quia ipfa quoq; lis nobile Imperij feudum concernat, habito cū Principibus, Comitibus, & Confiliarijs confilio, omnino aequitati conuenire fe iudicaffe, vt nō nifi Procures Imperij de ifta controuersia cognofcant, & iudicent. Nonne lis Bohemica omnium nobiliffimū Imperij feudum concernit, & proinde nonne aequitati conueniret, Procures Imperij de ea cognofcere? Dicat Fabius rationem differentia, fi potefl. CAST. Lacerffe, mi Animaduertifor, lacerffe Fabium ad haf tuas tubas trepidantem. Cadet fi tu ftereris. Simile tuum diffimile eft: nam dubium erat, (fi litteras Imperatoris antiquā fide refers) an Feudum illud in Sigismundi Augufli ius rediiffet, an in alterum deuolutum; in hoc certē cafu, quod

potens

potens sit apud cuiusque animum priuata cupido, prudentissimè reijcitur in alios iudicium, etiamsi nullâ lege adigatur. At nostro in negotio non erat ius, quod Cæsari in Bohemia erat dubium, sed certum; neque opuserat, quò ad hoc iudice, sed vindice, cuius munus, qui spoliatur, qui uis obire potest, seu legibus, seu viribus; cur enim me meis pateter exui? Dices, uticertè dicis; *Cæsar non solum vindicem, sed etiam iudicem egit, & proscripsit Palatinum.* Respondeo, pace publicâ violatâ, ritè & ordine factum; nam cum Palatinus flagitium in occupando regno alieno admiserit, rectè à Cæsare puniri potuit. Fac enim te grassatorem esse, & per occulta itinerum prædas agere, si ipsum Iudicem spolies; cuius spolium sit, ille non iudicabit, scit enim hoc, sed iudicabit, atq; etiam condemnabit te propter rapinam, quâ bonum publicum offendisti. Clamabis. *In propria causa nemo debet esse Iudex.* Do, quando ita vis, etsi non vsquequâq; verum sit; Cæsar in sua causa non iudicauit, de rapina regni iudicauit, quæ Palatini propria est, non Cæsaris, qui omnium scelerum in interitum Reip. vergentium, à Deo constitutus Iudex est, ut tu frustra hoc obgannias. *De Banni processu questio est, quem vos Bauari manibus, pedibûsque conamini defendere, ut eadem opera, & per vim, acquisiti Electoratus Palatini ignominiam, & maculam eluatis. Sed exempla veterum Imperatorum,*

aqui-

aquitas naturalis, ius commune, constitutiones Imperij, capitulationes Regum Romanorum, & vota Ratisbonensia duorum Electorum secularium, vos iniustitia arguunt, & ad omnem posteritatem arguent.

Valde vetemur, mi Animaduersor, Omnesæculum iustam, ac fortem Bauari dextram commendabit, quâ Imperatori per facinus vobis armis appetito vindex adfuit, Electoratumq; gloriose militiæ præmium palam meritò tulit, neque contra exempla veterum Imperatorum, neq; contra æquitatem, aut ius vllum. Si duorum Electorum vota fuere aduersa, quatuor aliorum fauere: & ex duobus illis, quæ ubiq; effers, alterum ad nos iam inclinauit, vt vnus solus superfit, qui proscriptum Palatinum nolit, tu causam noluisse debebas.

ANIMADVERSI O V. Scripseram Caluinistas se pro suo subiectum habere Cæsarem, & cancellis suis coercere desiderare. & Animaduersor. *In eo Caluinistis insignem fieri iniuriã. Si formalia Aurea Bullæ verba usurpantes dicunt, quod Imperator habeat super causis, pro quibus iure impetitus fuerit, coram Comite Palatino Rheno S. R. I. Archidapifero, Electore Principe, respondere, quis hoc ipsis vitio vertere potest?*
 CAST. Nemo fortasse vos carperet, si Auræ Bullæ morem geretetis. Aurea Bulla famam tantum iudicialiæ vestræ
 potest-

potestatis agnoscit, & permittit, quod nunquam contigit. Edic enim mihi, & indice monstra tempus, quo Palatinus aliquis aduersus Cæsarem sublimis sedit? Scripsit Fabius ista de vobis non propterea, quæ in aurea Bulla leguntur, sed quæ extra orbitam tentabatis contra Auream Bullam, quæ sacrosanctam Imperatoris Maiestatem seruandam præcipit. Neq; tu nescis, cur ista scripserim, quia in Litura legisti, & rubuisti, atq; idcirco iam alienissima cõminilceris. Repeto igitur tibi vestra consilia.

Sicubi contingeret quemcunque Imperij Procerum ab Casare, ut tanquam Imperij capite, vel tanquam priuato, siue in Iudicium re adducta, siue secus granari; Palatinum postposito interpellantis respectu posse, ob rationes ibidem astructas, in Casarem, seu in Appellationis, seu simplicis querela rebus, Iudicem agere: Id & S. Imperij difficultates grauissimas exigere, & Palatinum ex officio laboranti Imperio manum debere prabere, & c. Clarissimum verò esse multiplicia onera Ordinibus, præsertim Euangelicis incumbere; in dies etiã ab Aula Imperatoria accumulari, & post tot, tamq; graues admonitiones nihil tamen imminui. Quòd si Casare in cæcellos pristinos concluso, Elector Palatinus pro Iure ageret, minimè dubiam fore grauaminum leuationem; ante non impetrandã, quàm Aula Casarea cõsulta rescin-

In Reso-
matione
Donavve-
da

dantur. Re igitur communi, Statuum in primis Germanorum, sic periclitâte, nemine ullo opitulante, teneri Palatinum Jus illud suum obtinere, & Iudiciario more in Cæsarem uti. Tum etiam ipsius, & omnium posterorum plurimum interesse auctoritatem illam, hucusq; velut intra vaginam conditam sese exserere tandem: nec pati, ut indulgentiâ quâdam, vel etiam solâ dissimulatione, sicut ferè in aliis usu venit, Libertas hac tam præclara, aut in desuetudinem, aut in obliuionem abeat.

De his omnibus, mi Animaduerfor, nulla Bulla loquitur, sed libido Caluinistica in medium adfert, ut Imperatorem è medio tollat. Frustra nubem infrâ his charitatis obtendis, quasi nihil aliud postularetis, quàm quod Bulla aurea tribuit. Frustra, inquam: Rarum enim Aurea Bulla casum permittit, vos omnes ambitis, & cupitis quotidie Iudicem iudicare.

Parcite, Caluini non appellamus ad aram.

An adhuc iniuriam facio: ij estis Caluinistæ, ut iniuria vobis fieri non possit, quia quidquid mali dici potest, facitis. Quæ hîc contra Auctorem Iustitiæ Cæsareæ Imperialis spicula mittis, extra metas meas ærèrem verberant, idcirco non excipio, ut retorqueam. Auctorem ipsum bellatorem expecta: prouocas plures, ut à pluribus sterneris.

ANIMADVERSIO VI. Scripseram Feuda læsar
Maic-

Maieſtatis crimine in Feudi Dominum patraro, ex vulgata Iuriſperitorum ſententia in Domini manus, poteſtate inq; reſignati. & Animaduерſor. *Verius eſſe Feudiſtas hac in re diſſentire, & ex benigniori ſententia filios non priuari feudis ex pacto & providentia, quia munus generis eſt, non donum patris.* CASTIGATIO.

Quid ad me, quod *verius ſit Feudiſtas diſſentire*?

an ideo ſequitur *benigniore* opinionem eſſe veriorē? Ego ſeucriorem ex Iuriſperitorum placitis amplexuſum, non neſcius benignioris, quod Caluiniſtæ benigniore indigni ſint, qui perpetim maligna patrant.

Quid cenſes? benignè, & molliculè vos habeamus, qui iugulo noſtro ferrum minamini? Demus, quæ noſtra eſſe poſſunt ijs, qui noſtra nobis abſtulerunt? Benignitatem ſi amas, mi Animaduерſor, oſtende. Sed ais. *Iuriſperitorū ſententia à Fabio allegata intelligenda eſt ita, ut ex mente eorundem Iuriſperitorum locum habeat, quādo de iuſtitia, & validitate ſententia, nulla prorsus cōtrouerſia eſt; in noſtro autem caſu validitas, & iuſtitia banni merito in dubium reuocatur.* & non male te ratiocinari, & caſu quodam præcepta Dialecticę religioſius obſeruare, quàm veritatem in aſſumpto; nā quod dicis *ſententia Ceſarea validitatem & iuſtitia meritò in dubium reuocari*, falſiloquues es; nemo enim dubitat in publicū, quàm qui religione vobis propinqui ſunt.

Agè, effare Animaduersor, An turbator publicę pacis, & terrarum aut raptor, aut euerfor, Cęsarisiuratusissimus hostis, vi Constitutionum Imperij non possit proscribi? potest, potest & stabit à me Spirensis Camera, quę non semel tumultuantes & seditione pares tuo Principes proscripsit. At Principem tuum commisisse periculo totam Germaniam, occupasse alienam prouinciam, vastasse terras, nemo hominum ignorat. Cùm ergo crimen notissimum sit, & pœnâ dignissimum, Quis iniquam sententiam dicat, quę pœnam infligit?

ANIMADVERSIO VII. Refert Animaduersor me hoc scripsisse, *ab Electoribus consilium petatum esse, consensum etiam expectatum, & præteritos non esse Electores, quippe ad conuentum vocatos, sed per ipsos & per certas, quas adferebant, causas stetisse, ne coirent.* Hæc sunt verba Fabij obscura & intricata.

CAS. Ego verò tibi habeo gratias Animaduersor, quòd verba mea intricata dicas, & facias. Tu intricatus videris in mala causa. Petatum est primò consilium ab Electoribus aliisque Imperij Principibus Mülhusij, censuerunt more maiorum ex Imperij statutis in monitum Palatinū, & refractarium agendum, intentandasque proscriptionis minas. Qui suadet, vt miner, non prohibet, quod minatus sum exequi, nisi me illudum velit, & potestatem, quam me ostentare puniendi iubet, ipse postmodum in me exerceat, dum vetat manum, quam ipse sustulit, ferire. Addo

ob hoc

ob hoc Septemuiros alterâ quoq; vice vocatos, sed quia bellum multi senserant, omnes timebant, non fuit consilij per tantum discrimen convenire. Quid faceret Imperator? omitteret ideo munus suum, & gladium vaginâ coërceret? Sciatur hoc in publicum, cras novus erit ab inquieto aliquo motus. Si coire velint cum Imperatore Electores, impedit, & impunè, prout feret furiosus animi impetus, ferro grassabitur. Itaq; petitus est consensus, & expectatus quoad licuit. Sed velim mihi dici, cur in tanto Reip. periculo nefas sit Cæsari rebellem proscribere? Capitulationes, quas vocamus, ideo consulentes Electores volunt, ne ex tantæ pœnæ denuntiatione paci publicæ noceatur, & Imperium bellis inuoluatur, quod fieri subinde posset, si Cæsar iræ fortasse intempestivæ frenos permitteret, oportet ergo adesse, qui consilij violentiori iræ habenas adducant. At quando non iam timor belli imminens est, sed ipsa Bellona passim per Prouincias perfurit, quando rebellio ipsum Imperij caput petit, quid Cæsar cunctetur parcere percussuro? quid expectet alios consulentes tam lento cum cōsilio periturus? Demum ubi Cæsar promisit, non se absq; Septemuirorum arbitrio proscripturū Principem, armis & ferro accinctum, ipsam Cæsaris sedem inuadentem, & Rempublicam præcipitantem? Sunt quædam subita facinora, quæ moram iudicij non ferunt, & rectè damnatur factio, qui iuris ordinem vesano Marte

subuertit. Liceat modum excedere summo Capiti, cum modum excedit rebellis.

Super translatione, inquis, Electoratus Palatini non fuisse Electores consultos, nec auditos, ipsa propositio Ratisbonensis, & vota eorundem negotiorum demonstrant: Et paulò post: Ex quibus locis apparet, punctum translationis per modum intimationis, siue significationis, & non consilij Ratisbone propositum fuisse. & Carolus Cæsar Mauritio Saxoni Electoratum, quem Ioannes Fredericus rebellione amiserat, promisit in castris apud Sunthemium 27. Octobris Anno 1546. sano, vt Saxonici Legati Ratisbonę dixerunt, consilio, & Imperij Fidelium consilio, & maturâ habitâ deliberatione. Anno insequente castris ad Wittenbergam locatis, vti promissis staret, Mauritium Carolus Electorem renuntiavit, absq; vilo prius indicto Septemuiorum conuentu, neq; constat ab vilo consensum postulatum. Anno 1548. consentientibus alijs Electoribus, maximâ ceremoniâ & augustâ solennitate à Carolo Mauritius, nemine palàm obnuntiante, inauguratus est.

Duo aduersus istâ, & alibi, & hoc loco adfers: primū est, non fuisse parem Saxonis, & Palatini culpam, quòd Saxo Maiestatem Imperatoriam ipsam violarit, quippe qui Cæsari nomen Cæsaris iam ademerat, Imperium etiam, si fortuna fauisset, adempturus.

Respon-

Respondeo, consilium Friderico Saxoni non fuisse Imperio Cæsarem exuere, sed libertatem publicam, quam imminutam putabat, defendere; quod discere potuisses à Thuano tibi laudatissimo Historico. Scribit is in lib. 2. part. 1. hunc in modum. Saxo, & Hefsus, qui Donauverda subsederant, iuxta belli legem, scripto bellum denuntiant, quo repetitis superiorum temporum actionibus, & purgatis iterum, quæ obijciébantur, criminationibus, quam iusta sint arma, qua induerint, multis rationibus demonstrant; nempe pro religione, & patriæ libertate, quarum causa ea esset, ut fidem & obsequium, quibus Cæsari deuincti sint, soluant, quæ proinde ei amplioris cautionis gratia renuntient saluæ Imperij Maiestate, quam nullatenus imminuere, aut violare aut velint, aut debeant. Hactenus Thuanus, ex quo facillè perspicitur Saxoni decretum non fuisse, Cæsarem, ut vos dicitis, persequi; sed religionis duntaxat Lutheranae hostem, & Germanicæ libertatis oppressorem; cum deinde de litteris inferibendis altercatio orta fuisset, & Saxo pertenderet, minimè appellandum eum Cæsarem, alioqui se perduelles fateri; qui Cæsari, cui fidem & obsequium debeant, bellum denuntiarent; Hefsus contradictebat; Non dignitatem, & summum Imperij Magistratum eo bello peti, sed eum, qui in illa dignitate, ac Magistratu constitutus sit, quem propterea Cæsarem vocent.

Neq;

Neque Saxo negauit hanc esse fœderis Schmalcaldici, in Cæsarem bellum gerentis mentem, atq; idcirco via media reperta, quâ epistola inscriberetur, *Ei qui se pro Cæsare gerit*: Planè non absimili modo, quo hodie Caluinistæ loquuntur se bellum intulisse Archiduci Austria; nã si faterentur arma in Cæsarem sumpta, iam se infami perduellium nomine contaminarent, alioquin impuri. Sed quisquis animus fuerit, Cæsarem Palatinus oppugnavit Bohemiam occupando; iam enim Cæsaris erat, quando Palatinus fanaticæ electioni assensus est, & ab offerentibus accepit, quod Cæsaris esse non nescijt, siue illud obuenerit Cæsari, vt Cæsari, siue vt Archiduci; Cæsaris sunt omnia, quæ Cæsar possidet, & qui deijs rapit, Cæsari rapit, temerariq; Maiestatem eius, quæ separari à persona Archiducis non potest, cùm idem & Archidux, & Cæsar sit, & aggrauatur facinus magnitudine personæ, quæ læditur.

Dices deinde disparitatem esse in eo, *quod ipse Saxo Fredericus voce, & scripto renunciarit iuri suo anno 1547. 25. Maij. Palatino autem iura adhuc salua esse, quod nihil de illis remisit, aut alteri concesserit*. Respondeo illam iuris renuntiationem Frederico non fuisse spontaneam. Erepturus erat Victor Carolus, nisi cederet, aut promissum seruaret. Væ victis, aiebat ille, qui cùm non satis auri libræ adfunderet hostis, aduerso ponderi apposuit gladium.

Quid tuus Palatinus fecisset, si capto idem fuisset impera-

imperatum? Multa facit, quem fortuna deprehendit, quæ liber damnaret, ut se vinculis expediret, cætera in casum dedisset. Quia verò Fridericus regno malè parto excedens extra Imperij fines profugit, & ad Electoratus resignationem adigi non potuit, fecit Cæsar, quod summus Iudex facere potest, quidquid rei reus, iuris sue habuit, proscriptione ademit. Itaq; nulla est dissimilitudo in Cæsaris factò, sicut enim Carolus, postquam iam non promisit solum, sed etiam transtulit Electoratum, Mauritium demum anno 1548 24. Feb. Augustæ annuentibus Septemviriatus Collegis, ut iuridicè loquar, inuestiuit, ita & Imperator Ferdinandus promisit primò Bauaro Electoratum, sicut Carolus Saxoni, ob pares, & fortes operas, neque tamen Electorem renuntiavit, quod Carolus fecit, antequam Septem viros conuocaret; neq; illis, nisi paucioribus, inuitis, re ipsa tantum honorem publicè, & in amplissimo Procerum consensu in manus consignavit. Ferdinandus igitur minus fecit, quàm Carolus.

Sed, ais tu Animaduersor, *Rectè Legati Brandenburgici Ratisbona ad hoc exemplum responderunt, etiamsi concedatur Carolum inconsultis planè Electoribus Saxonem, & Landtgrauium proscripsisse. Tamen per sequentes Capitulationes, & in primis per ultimam illud in futurum expresse prohibuit. Et rectè sane quia alioqui sequeretur art. 26. Capitulationis esse inanem, superfluum, & nihil operari.*

Nego, mi Animaduersor, per vltimam capitulationem Cæsari vetitum rebelles Electores, supremum magistratum oppugnantes proscribere, articulus enim 23. quem aduersum me edis, pro te nihil operatur. Audiamus illum.

Debemus & volumus etiam precauere, & nullo modo committere, vt in posterum quisquam tam superioris, quàm inferioris sortis homines, Electores, Principes, vel alij Ordines, absq; causa, & inauditi proscribantur, sed multò magis in illis casibus ordinarij processus, & S. Romani Imperij Constitutiones ex præscripto eiusdem Imperij A.C.M.C.LV. reformatæ Imperialis Camera constitutionis, & subsequenti Comitiorum recessus, ordinario, legitimoque modo obseruentur. Attamen vt læsæ parti, iuxta pacis prouincialis requisita, legitima sua defensio reſeruetur. Hęc verba, Animaduersor, Cæsari manus non vinciunt, vt necesse sit sedendo spectare Prouinciarum suarum ruinam, & grassanti armis hosti codicem legum obijcere. Neq; absq; causa, neq; inauditus Palatinus proscriptus est. Quis enim de causa ambigit? Audi Animaduersor, Ego tibi colaphum infringo, tu irasceris, & me quoque pulsas absq; causa. Ego te bonis spolio, & domum tuam incendio, tu irasceris, & in me ferro tendis absq; causa. Ego tuos ciues, & clientes trucidò, tu irasceris, & me diris deuoues absq;

absq; causa. Quid putas Animaduersor, totum mundum esse bardum? E'cquæ, oro te, causa causæ Cæsareæ deest? Nónne tuus Princeps Cæsarem armis inuasit? Nónne spoliavit regnis? Nónne impio Marte plurimos ferro sustulit? Nónne totius Imperij pacem turbauit, & omnem Europam concussit? Nullane tibi videtur hæc causa, vt Cæsar irascatur, & furem hostem proscribat? At *inauditus proscriptus est*, quasi verò aliquis hominum sit, qui Palatinum non audierit, & iniquitatem belli eius nesciat? Quid verba & scripta expectem, cum mihi factis loqueris: & tamen monitus est principio Palatinus, non à Cæsare solum, sed à Septemuiris quoq; additæ minæ, contemptus, citatus est, perrexit. Quid? Cæsar non pergeret, & iuredicundo se occuparet aduersus euerforem iuris & ordinis? Nullus sceptro locus est apud contemptorem sceptri. Per proscriptionem & hastas sententiam audiat, qui hastis processum violentiæ instituit. Quid tu vis Animaduersor? non ausit Cæsar proscribere tuum Principem, & ipse temerario ausu ipsum Imperatorem proscribat? Paruum discrimen est inter Ediçtum, quo patria, & bonis pellor, & inter arma, quæ me ex meo profligant; imò hæc acerbiora sunt, quia non solum per hæc eripiuntur terræ, sed & ita vastantur, vt etiam, cum fortuna eas reddit, non habeam. Nihil igitur in hunc articulum delicti commissum; Vbi enim in illo aut hæc verba, aut verborum sensus? *Non proscribam, quenquam Principum, absq; Septemui-*

ratus consilio, etiamsi me armis opprimere in animum inducat, & contempto tribunali faciat? Alijs in criminibus Cæsar haud grauatè consilium expetet, ne de facili causa bello detur, at vbi iam bella sunt, & bella Cæsari illata, frustra Senatorum cætus imploratur, ne fiat, quod fit. Proscriptione cogatur bello absistere, qui proscripti fortasse tam properè non potuisset, nisi Cæsarem oppugnasset.

ANMADVERSI O VIII. Scripseram Ratisbonæ plurium sententiæ delatum fuisse. & *Improbatur hoc fuisse à Legatis Saxonis, & Brandeburgicis, ideo quod pluralitas votorum contra expressam dispositionem Capitulationis non habeat locum.* CAST. B. 1. Nullam esse expressam hoc in genere Capitulationis dispositionem. Vbi enim iubetur Cæsar Principem suo iugulo imminuentem in ius trahere, & postquam prostratus est, tum demum surgere, vt plurium consilio hostem *inuadat?* qui me cito perdere vult, cito pereat. B. 2. Si duo Principes censuere, plurium vota vim non habere, scito quatuor Principes reipsa obnuntiassè, ostendisseq; suæ mentis non fuisse paucitati plus iuris tribuere, quàm multitudini, & haud dubiè in pari Senatu non possunt pauciores pluribus legem figere, nisi disertè cautum sit nihil in hoc, aut illo genere, nisi ex omnium sententia statui posse. Certum autem est aliàs maiora, vt vocant, Electorum vota præualere.

CIRCA .

CIRCA CONSIDERATIONEM
SEPTIMAM.

ANIMADVERSTIO I. Scripseram studia Caluinistarum ad fundamenta Imperij conuellenda collimasse. & *Calumniam esse.* CAST. & ego non *calumniam*, sed *calamitatem* futuram fuisse, si impijs Caluinistarum conatibus fors fauisset. Experientia docet satis conuulsam esse Imperium temerarijs eorum studijs, nihil stabilire, nisi malum in patriam animum, quem adhuc obstinatè seruant.

ANIMADVERSTIO II. Scripseram nunquam discrimine Archiducè à Cæsare. & *Imofacile.* CAST. Imò nihil. Quia quidquid sit in cæteris, cum iniurijs aduersus Superiorem agitur, quocunq; respectu agas, Superior iniuriâ afficitur. Quapropter non est necesse, ut me ad Gailium & Besoldum ableges, ut distinctiones discam, iam scio; alioqui te inter bonos numerarem.

ANIMADVERSTIO III. Scripseram à Caluinistis Turcas inuocatos, & Tartaros expectatos. & Animaduertor per Legatos auxilium Turcarum imploratum non fuisse. CAST. Ecquid igitur missi sunt? an ut Turcæ chlamydem tantum deoscularentur, & officia aulica deferrent? Negare tu multa potes, quæ ego credere possum, quòd similia à te viderim. Deinde si Legati auxilium non petière, alij subière hoc munus, & fatetur ipse Turnius se

diu seſſitando ad illam portam mendicâſſe ſtipem armatam, imò cùm Chriſtiani verecundarentur, Iudæus tam pium opus proſecutus eſt, ex non mediocri in Caluinistas amore.

Malam fidem, inquis, Fabij ex eo Lector facile deprehendet, quod hanc legationem Caluinistis tribuit, cum tamen constet in Bohemia, Moravia, Silesia, Austria rerum summam, & arbitrium non penes paucos reformatos, sed penes Lutheranos esse. Respondeo. Non me de numero contendere, sint pauciores Caluinistæ, & hoc modo nimij sunt, quia gubernacula, quæ præhendere, non dimittunt; ab his Lutherani, ubi mixti sunt, aut pendent, aut pereunt.

CIRCA CONSIDERATIONEM OCTAVAM.

ANIMADVERSIO I. Scripseram iuris naturæ esse sua defendere, & fas fuisse Austriacis seruare se etiam vi, cùm vi impugnantur. & Animaduersor. *Nemo negat defensionem esse iuris naturalis. Non fugit etiam nos esse quadam (ut Liuius ait Decade 3. lib. 1.) belli iura, quæ ut facere, ita pati ius sit; sata exuri, dirui tecta, pradas hominum, pecorûmq; agi, misera magis, quàm indigna patienti esse.* Non igitur adeo querimur nos a vobis hostilia passos. Marti communi & ancipiti,

piti, uti ab Hannibale apud eundem Liuium vocatur, hoc adscribendum est. CAST. Calamus meus moræ impatiens, antequam tua absolvas, in chartam procurrit, adeò gestit, quòd ipse tua vineta cædas, & nostra exornes. Si defensio nostra *iuris naturæ* fuit, uti tu hîc fateris, ergò & causa nostra iusta fuit; nam ut iniustam causam defendas, lex naturæ vetat. Si latronem persequar, qui spolia mea fert, potestne se ille iure defendere, & mihi duelum facere, ne mea recuperem? Minimè gentium. Si Bohæmiæ regnum vestrum reuerà fuit, non potuit illud sibi vindicare Cæsar, nec cum se contra vestra arma defendit, iure naturæ defendit, sed contra ius naturæ iniustis armis abstulit id, quod vestrum erat. Expecto iam, quid velis, si dicastene non negare defensionem nostram iuris naturalis fuisse, ne te multum conqueri, *quòd hostilia passi sitis*, approbas causam nostram, & damnas tuam; ostendis enim te iniustum in nos bellum mouisse, & nobis ius naturæ permisisse defensionem. Si ergò nos iustè bellauimus, vos iniustè bellastis, cum bellum vtrinque iustum esse nequeat. Pergamus igitur, & audiamus iustam querelam. *Palatini proscriptionem*, inquis, *& iuris Electoralis in Bauarum translationem*; sub pretextu iustitiæ à vobis Bauaris per publica scripta defendi, *& tanquam heroicam aliquam actionem magnificè extolli, & predicari, de hoc conquerendi iustissimam causam*

sam habemus, & utrumq, contra leges & iura Imperij factum esse publicè asseueramus. CAST. Magno animo belli incommoda fert Animaduersor, sed alia illi petus perfodiunt, *proscriptio Palatini, & translatio Electoratus in Bauarum;* hæc sunt duo tormenta, ad quæ meritò exclamat, quia pars causæ fuit. Moueret certe ego cum illo, nisi lamentis falsa interfereret, nam contra leges aut iura Imperij neque proscriptus est Palatinus, neq; Septemuirali dignitate exutus. Quæ enim iura ventant perniciosissimum Reip. Principem & Imperij perturbatorem proscribi, & more maiorum puniri? Non lex vlla, non capitulatio vlla prohibet. Sunt quædam iura in rebellionē castrensibus similia; summus belli magistratus, ubi casus exigat, proditorem obuiō primo ramo suspēdit in consulto belli iudicio, quod citra necessitatem non faceret; ita in rebellionē cū omnia sursum deorsum voluuntur vnus crimine, potest supremus magistratus noxium plectere, neq; id, si rationem sequantur, ægrè ferre possunt, qui tribunali alioqui etiam assedissent.

ANIMADVERSIO II. Scripseram Heidelbergam multis annis seditionis officinam fuisse. & Animad. *Officinam publicæ libertatis fuisse verius est.* CAST. Scilicet Heidelbergæ *libertatis officina* sit? alijs nullam obtinuit, & suam amisit.

CIRCA CONSIDERATIONEM
NONAM

ANIMADVERGIO I. *Allegat malè Fabius legem, qua status Imperij alienos subditos in protectionem recipere vetantur. Est enim magna differentia inter subditos alicuius Status Imperij, & inter Ordines regni Bohemia, qui & eligendi Regisius ex Aurea Bulla habent, & legibus, ac iurisdictioni nullo modo subiecti sunt.* CAST. Non ego malè allego, sed tu pessimè explicas leges Animaduerfor. Quæro enim ex te, an sit ex Principibus Imperij Bohemus Elector? Si Princeps, si Status est, uti tu loqueris, ergo nulli fas est contra Imperij statutum populos ei subiectos ab illo auertere, & ad se trahere? Eteſto, Bohemos plura priuilegia habere, quàm alias Prouincias, tuus tamen Princeps non habet priuilegium, ut alterius Principis ciues, in protectionem suscipiat; imò si nulla humana lex vetaret, illa vetat, quæ tibi in animo dicit: *Quod tibi non vis fieri, alteri ne feceris.* Cæterùm priuilegia illa, quæ tractas, non Bohemicorum solum Ordinum, sed etiam Regum sunt, quia Reges ea à Cæsare impetrârunt, non ad libidinem Ordinû, sed ad moderatum & iustum libertatis vsum; ut taceam neminem vnquam priuilegium expellendi Reges accepisse, neminem dedisse. Fuerunt immunes, & liberi Bohemi, quamdiu ciuilitate egere; tunc certè non fuere, quâ-

do proiectâ in Regem Reuerentiâ pro libertate inhiârunt licentię, profana, & sacra omnia miscuere: tamdiu priuilegio vtimur, quamdiu digni sumus, qui tribuit, auferre potest fontibus.

Sed ais, *Subditos, qui in Regis, aut Principis cuius potestatem certis sœderibus & legibus, ac priuilegiis sibi reseruatis venerunt, si priuilegia violentur, se alterius Principis protectioni, ac fidei permittere posse, multis exemplis probatur.* Respondeo, Non esse hic locum tecum litigandi de Bohemorum iuribus: fuerint eius seu potestatis, seu licentię, quam prædicās, à nullo certè Iure ius habent iustum Regem abdicandi, & repudiandi ob administratam violenter Rempublicam, qui nihil dum administravit. Quæ priuilegia Bohemis violata fuere? prohibiti sunt à Cæsare Matthia in alieno fundo Caluinianam Moschæam struere; hocce priuilegiū violare est? Vnde vobis hoc priuilegiū contra septimum Decalogi præceptum de abstinentia alieni? Quod tuum est, vsurpa; fundus meus mihi seruitutem debet. Non libet progredi, & alia quædam eiusdem gentis priuilegia excutere, præsertim Maiestatis litteris contenta. Raptaila potius sunt, quàm obtenta, vt sciamus, quantū valeant violenta; eandem vim habet cum grassatore occisurò pactum, sed me abripio.

ANIMADVERSIÒ II. Scripseram litem Palatinis maiorem cum Maximiliano I. quàm cum Bauaris fuisse.

Respon-

36. Animaduertor. *Nemo dixerit vel Maximiliano ullam litem de re priuata cum Palatinis, vel illum in propria causa Iudicem fuisse.* CAST. Imò verò in te etiam priuata, & propria causa Iudex fuit Maximilianus; nā cum Palatini Duces armis sumptis in Imperio tumultuarentur, pro Imperatoria potestate Maximilianus arma eos ponere iussit. Quòd refractariā obstinatione nullo reuerentiæ Cæsareæ respectu cum abnueritis, ut contumaciam vestram, suūq; despectū vindicaret, in vos bellum fecit, & cum vos proscripsit, non proscripsit tantum, quòd Bauaros bello vexaretis, sed quòd Maiestatem Cæsaris contemneretis; fuit ergo Iudex etiam in priuata, & propria causa, quia contemptus personam illius affecit.

Maximilianus, als, diu multiūq; in componendis dissidiis inter Palatinos & Bauaros laborauerat. Palatinis etiam satis aquas conditiones obtulerat, quibus reiectis, tandem re bene deliberata, consciis Ordinibus Imperij ad solennem Banni declarationem deuenit. Respondeo mirari me, te etiam nūm sopitas tot annis tuorum rebelliones recensere, quasi gentilitium decus sit Heidelbergensis domus, Cæsarem Imperia spernere. Scire tamē cupio, apud quem legēis, *Maximilianū consciis Imperij Ordinibus* (Assessores Spirā euocauerat Augustā) hoc est, quod indicare videris, prius

consultis Electoribus Imperiale anathema Palatinis inflixisse. Ideo certè refers, vt ostendas ab Ferdinando perperam factum, quòd consultationem eiusmodi omiserit: omisit, quia vos nefariè & perpetuato bello impediistis.

Alia est, inquis, in nostro casu ratio, quia Cæsar in causa Bohemica, qua ipsius propria, & priuata est, Iudex fuit, & quamuis in illa causa non Cæsar, sed Archiducis personam representaret, tamen Bannum Imperij contra Palatinum, & quidem Electoribus inconsultis, & inauditis publicauit. Respondeo non esse disparem rationem, nisi fortasse vestra causa peior sit, Maximilianus tuos Palatinos proscripsit, quia Bauaros obstinatè perditum ibant, potuit hoc Cæsar ob defensionem aliorum facere, & non poterit facere securitatis suæ causa? Sed rectè habet, quod rursus personam Cæsaris hîc mihi in duas feces. *In causa, ais, Bohemica non Cæsar, sed Archiducis personam representauit,* id, si ita est, Cæsar in propria causa, Iudex non fuit, sed in causa Archiducis, quem Cæsar protexit, vt olim Maximilianus Bauaros. Deinde iam suprâ dixi, Iudicem posse furem domus ipsius expilatorem in cruce agere, quia in hoc non censetur suam causam agere, sed punire delictum publico noxium, si immane sit, quale vestrum est in Cæsarem commissum: si enim Cæsar tutus à vobis non est, quis satis vigilabit? ego non dormituro?

ANIM-

ANIMADVERSIÓ III. Nominaueram Fredericum
 Secundum Palatinum rebellem. & Animad. *Rei totius
 narrationem Lector inueniet, apud Hubertum Tho-
 mam Annalium lib. 13.* CAST. Quæso, quid addome-
 sticum Scriptorem prouocas? an rebellionem purgare
 conaris? Laudaui meorum ego verborum testem Auilâ,
 tibi fortasse, vti sine dubio sentis, non admodum amicû.
 Audi ergo tuarum tum partiû Scriptorem Schleidanum.
*Cæsar inquit, Halam oppidum Sueuia nuper ei recon-
 ciliatum proficiscitur, eò venit ad ipsum Elector Pa-
 latinus Fredericus. Is quadringentos equites auxilio
 miserat Smalcaldicis, cum essent ad Ingolstadium.
 Itaq; Cæsarem adit, & non ipsius oppugnandi causâ,
 verum quòd ex fœdere priuato teneretur Wirteber-
 gico Duci, factum hoc esse demonstrat. Cæsarem a-
 crius verbis excipit, & enumeratis, qua contulisset
 in ipsum, beneficiis, grauiter incusat; veruntamen i-
 gnoscit, & ut errorem hunc, atq; culpam in posterum
 accuratiore fide compenset, hortatur.* Hæc Schleida-
 nus, parum ad innocentiam Palatinam; nam quis est iste
 sui defendendi modus, nisi quidem ad hostes te oppu-
 gnantes vim equitum, sed nō tui oppugnandi causâ.
 Cur ergo missi fuere bellatores illi, an vt spectatores tan-
 tū pugnatum agerent? *Fœdere tenebatur, dices, Wir-
 tenbergico. Hoc ne fœdus etiam in Cæsaris caput initum*

erat? si ita, rebellium erat, si secus, fœderis causâ subsidium Wirtenbergico nullum debebat. Sed audi etiam beneuolentiâ erga te, tuosq; plenissimum pectus, Thuanû, lib. 2. suæ historiæ. Is Palatinum in genua fusum apud Carolû Quintum, ita inter cætera loquentem inducit. *Tu (Cæsar) me perduellem, tu fatentem, tu supplicem reum, imprudentiâ lapsus in gratiam suscipe.* Habemus ipsum reum confitentem, *perduellem* se ipse nominat, quemcum tu appellabis? nemo veniam petit, nemo impetrat, qui nihil culpæ contraxit.

ANIMADVERSIO IV. *Sublesta fide* inquit Animaduersor, *solis reformatis, siue Palatinis imputat, quæ omnium Principum Vnitorum Lutheranorum nomine, & quidem in rebus Donauverdam, ciuitatē Lutheranam, & omnes in uniuersum Lutheranos concernentibus, Cæsari Rudolpho proposita fuerunt.*

CAST. Principibus, & rerum auctoribus rectè omnia tribuuntur; vos autem Principes fuisse potissimos huius peruiacioris ad Cæsarem Legationis ex oratione parum verecunda ad Rudolphum habita, manifestum est, nunquam enim ulli Lutherani tam præfractè locuti fuissent, nisi Caluiniano ore vsi.

ANIMADVERSIO V. *Allegat Fabius, inquit Animaduersor, ex quodam scriptore Palatino Principi suo altius tribunal erigendum esse etiam in ipsius Impera-*

ratoris caput, sed candidus Lector facile ex contextu ipso, & ex verbis illius scriptoris quisquis est, perspiciet, loqui eum de eo casu, quando aliquis ex Ordinibus Imperij à Casare grauatur, & inquirere in rationes medendi publicis Protestantium grauaminibus, & oneribus, qua in dies ab aula accumulari, & post tã graues admonitiones nihil imminui conqueritur.

Vide Informationem
Donavverdanam.

CAST. Etiam si, mi Animaduersor, lubricitate serpentes & ques, tamen non elabêris cum tuo Heidelbergensi tam seditiosi consilij auctore. Repetameius verba, quæ tu subterfugisti, vt aliud dicere posses, quàm ille scripsisset. Sicubi contingeret, ait, quemcunq; Imperij Procerum ab Casare, vel tanquam Imperij capite, vel tanquam priuato, siue in Iudicium re adductâ, siue secus grauari; Palatinum postposito interpellâtis respectu, posse, ob rationes ibidem astructas, in Casarem, seu in Appellationis, seu simplicis querela rebus, Iudicem agere: Id & S. Imperij difficultates grauissimas exigere, & Palatinum ex officio laboranti Imperio manum debere prabere, & c. Clarissimum verò esse multiplicia onera Ordinibus, præsertim Euangelicis incumbere; in dies etiam ab Aula Imperatoria accumulari, & post tot, tãmq; graues admonitiones nihil tamen imminui. Quòd si, Casare in cancellos pristi-

nos

nos concluso, Elector Palatinus pro Iure ageret, minimè dubiam fore grauaminum leuationem; antè nò impetrandam, quàm Aula Casarea consulta rescindantur. Re igitur communi, Statuū in primis Germanorum, sic periclitante, nemine ullo opitulante, teneri Palatinum Ius illud suum obtinere, & Iudicario more in Casarem uti: Tum etiam ipsius, & omnium posterorum plurimum interesse auctoritatem illam, hucusq; velut intra vaginam conditam sese exserere tandem: nec pati, ut indulgentiā quādam, vel etiam solā dissimulatione, sicut ferè in aliis usu venit, Libertas hac tam præclara, aut in desuetudinem, aut obliuionem abeat. Hæc tuus Symmista Heidelbergen-
 sis, ex vestra omnium mente, non autem ex sensu Auræ Bullæ, cuius hæc sunt verba. *Et quamuis Imperator, siue Rex Romanus, super causis, pro quibus impetitus fuerit, habeat (sicut ex consuetudine introductū dicitur) coram Comite Palatino Rheni, sacri Imperij Archidapifero Electore Principe respondere; illud tamen Iudicium Comes ipse Palatinus non alibi, præterquā in Imperiali curia, ubi Imperator residet, seu Romanorum Rex præsens extiterit, poterit exercere.* Hæc sunt Auræ Bullæ verba, quæ ad tribunal Cæsaris, ut scilicet id libidini Palatinæ subiaceat, quasi sententias à summa potestate iam latas rescindere ius sit, nequaquam
 peti-

pertinent, facta duntaxat Cæsaris, quæ alijs aut iniuriosa sunt, aut damnum adferentia, potestati Electorali permittuntur, quæ nulla est, nisi in aula Imperatoria exerceatur, Vos autem omnia, quæ iam Senatus Cæsareus vobis abiudicauerat, aut abiudicaturus erat, nimia licentiâ aucupabamini, & erigebatis subsellium Imperatori altius, qui ad hunc usque diem neque vllum musculum ad sedem Cæsaream in ius vocastis cum omni potestate vestra, quæ neque in mores venit, neque *Legibus*, ut vanè antea gloriabamini, data est. Ipse Auræ Bullæ Conditor ius eiusmodi non tantum pendisse videtur, quippe famam solum teste, introductum consuetudine, atque idcirco mandavit, uti non alibi eius usus esset, quam in Cæsaris aula, in qua nullus Palatinus cuperet laxius esse hospes inuius, commodior tanto mungeret sedes Heidelbergæ fuisset, audax alias, & spernere Imperium sueta.

CIRCA CONSIDERATIONEM DECIMAM.

ANMADVERSIO I. *Fabius*, inquit, de utero rupto, de infelici partu, de intumescenscibus visceribus insulse quidam blaterat, ita ut inde colligere promptum sit, bonum hunc virum aut nescire plane, aut non intelligere titulum Codicis, plus valere quod agitur, quam quod simulatè concipitur, ex quo Domini

L

ni Ca-

ni Camerarij verba desumpta sunt. CAST. Nimis bene intellexi Camerarij verba, quia & vos nimis simulate egistis, pacem nobis pradicando, bellum clam meduando. Sed audi fodes, si Iupiter essem, ponderosum tuis ceruicibus torquem inijcerem, & in apice nobilitatis collocarem obinignem, & mihi contra aurum charam prodicionem, quâ tubentem, & clausis oculis lucens cœlum fugientem Camerarium, in medium producis, atq; certum, indubitatumq; auctorem libri, cuius ipsam penitissime pudet, & eâ retoties se innoxium deierat, & me id solum coniectantem acerbâ loquentiâ plectit. Audi Fabi vaniloque. *Ex titulo Codicis Domini Camerarij verba desumpta sunt,* ais tu Animaduersor, belle & recte, cuius Scriptoris verba sunt, illius & liber est, sed ista sunt verba Camerarij ex Codice desumpta: iô Triumphæ. Camerarius captus est, & quidem sine spe euadendi.

ANIMADVERSIO II. Vestra culpa est, ait Fabius, quòd arma ceperitis, atq; etiam extra Bohemiam produxeritis. & Animaduersor. *Arma non Palatinus cepit, sed Austriaci, qui Duce Comite Bucquoio priores Bohemiam aggressi sunt. Fuisse deinde arma extra Bohemiam prolata verum est, sed à Bohemis Bucquoium tanquam primum aggressorem persequentibus etiam ante, quam Palatinus in Bohemia pedem poneret.* CAST. Hic sane loquitur, ac si Catholici aur

men

mentem non haberemus, aut memoriam. Quis primus arma sumpsit, nonne Bohemi? & vos non ita multo post, ut quos consilio instruxeratis, auxilio ne desereretis? Másfeldij enim copiarum non ideo coactæ fuere, ut Bohemica lupuleta custodirent. Bucquoius è Belgio demum vocatus est, cum omnia iam bello arderent, & in Bohemiam iuit, ut rebelles impijs armis in Cæsarem, Cæsarecosque futerentes compesceret; propulsauit bellum, non intulit. Anno deinde sequente sediciosorum, & in Imperatorem pugnatum, Dux factus Palatinus, bellum sacrilegè ceptum non finiuit, sed magno conatu produxit, Bohemiámque legitimo Regi ademit, nullá vnquam à Ferdinando iniuriá affectus. quomodo ergo Ferdinandi summus Militiæ Legatus Bucquoius primus aggressor fuit? Si ego aggressor non sum, quando te nihil hostile in me meditantem spolio, date mihi obuiam, ubi voles, prædonem agam cum virtute.

ANIMADVERSIÓ III. Scripseram Palatinum post victoriám Pragensem noua auxilia conquisiuisse. *Re. Animaduersor. Dicere Fabius debebat, post victoriám Pragensem, & publicatam Banni sententiám, ex quo facile colligere erat, vos regni Bohemiæ recuperatione non contentos esse, sed vobis decretum illum, etiam auito patrimonio exuere.* CAST. *Re. Auxilia vobis quaesita, & post victoriám, & post sententiám, qua cecidistis. Cur autem nefas sit vos Prouinciá vestrá exuere,*

cum Cæsarem regno exueritis: Bohemia tum tota non eratin nostra manu, Mansfeldius Palatini nomine aliquot adhuc loca praesidio tenebat, & toti regno iterum imminabat. Ergo id solum nos fecimus, quod vos feceratis nobis, & iterato facturi eratis: si nosci vobis volebatis, ignoscite & nobis.

ANIMADVERSI O IV. Scripseram Palatinum Durlachianis & Halberstadiensibus armis fidentem cum pacis admoneretur respondisse, non esse tempus sublectionis, aut submissionis. R. Animaduersor. *De eo videri potest. Resp. ad Cancell. Bauarq. Anbat. §. 2. in notis ad vota Ratissponensia N. 26.* CAST. Vidi demonstratum à te locum, in eo fateris hæc à Palatino dicta, sed inter arma, & strepitum castrensem, indignatione animum vincente, Tillio ad Wisselocum minus prosperè pugnate, & fortunâ, uti videbatur, ad vos inclinante. Nimirum hoc ipsum est, vobis nunquam pacem placuisse, quamdiu vis belli gerendi fuit. Vobis armatis minæ consueta, & pacis mentio intollerabilis; Victis & fuis nulla clementiæ implorandæ vox, nullæ preces. Nihil postulare volentibus, nihil offerimus; neque enim hosti beneficia obtruduntur.

ANIMADVERSI O V. Ait Animaduersor me conatum diuinare causam, cur Angliæ Rex viam Palatino in Angliam non aperuerit. R. *Me lepidum esse Fabiū, quod laborem in dirimenda causaret, qua in rerum*

natura non est, nec fuit, nunquam enim aditus Palatinum Angliam præclusus fuit. CAST. Cui tu perfundebris Animaduerfor, nõ fuisse vllam Britanno causam, vt Generum, & filiam ad se inuitaret? nõne amanti progeniem suam patrium suasisset pectus, vt eam accerferet ad notos potius, & charos penates, quàm apud hospites longâ morâ fatigandos radio obijcere? Scio quid ego cogitem, & auguror facillè, quid cogitarit Rex Angliæ. Nuptia illæ ab Hespero spretæ non impulere Socerum, vt Generum non inuitaret, abstertere poterant Generum, si vocatus fuisset. *Ais illi nunquam præclusum fuisse in Angliam aditum;* credo, nec tibi præclusus est aditus in Bohemiam. Veni. Non est opus, vt mihi tuas ædes adeuti, si admittere nolis, foribus pesselum obdas, significatum, quocunq; tandem indicio aduentum tibi meum ingratum esse, iam emanet. Sed quid abscondo, quod sentio. Ferunt Regem Angliæ & aduertisse ipsum, & ab alijs edoctum Puritanorum fauentes in profugum Palatinum animos, maioremq; quàm Reges ferre possunt, amicitia. Ibant & redibant per mare epistolæ, necessitudo creuit, sparsumq; non obscure murmur sceptri illi destinans, qui nec cū regnis, nec sine regnis viuere posset. Inhorruit Anglus, & vt callidè pestem insidiantem arceret, non mandato aliquo, sed amicâ arte intra Bataviæ fines auidum Diadematis Caput detinuit. Rectè. Expectet alibi, non apud me, qui hæreditatem adire cogitat, antequam ego delinquam.

ANIMAD. VI. Scripseram Palatinus in lucro ponere potest, si vel nudus extra Imperij fines viuat, &c. Animad. *Non obscure innuit Fabius capitale supplicium imminere Palatino, si in Caesaris manus incidat.* CAST. Nihil minus innuo, quia alia sunt exilio potiora: nonne maius malum carcer in eo certè & Principes, & Reges minus Palatino noxissæpe aliquot annos, aut ætatem in luctu, squalorèq; traduxere; potuisset & id euenire Palatino, si captus fuisset. De supplicio inferendo nihil vnquam in mentem venit, nisi cum innocentissimæ Principis Mariæ Stuardæ cædem memorauim, & vobis exemplum obicci contemplandū, vti ipsi diiudicaretis, quid futurū fuisset, si Catholicis Caluinisticam immanitatem libuisset imitari, nam illa alienam fidem sequens, nō crimen vllū, sed suspicionem duntaxat criminis luit: vos ipsum crimen grauat. *Sane Reges, inquis, (quibus Electores equiparantur) in bello etiam iniusto captos, occidendos non esse multorum opinio est.* Respondeo & meam hanc esse opinionem, quia Palatinum tuum cupio viuere; sed melius, & religiosius. At at cur vos Caluinistæ eandem opinionem non prætulistis quoq; in suspicionem illa contra Scotam, Palatinæ vestræ auiam: an non & illa Regina fuit: cur ceruices eius securi subiecistis? Clementiam in vos aliorum amatis, nullo eiusdem in alios signo.

CIRCA CONSIDERATIONEM

VNDECIMAM.

ANIMADVERSTIO. Scripseram à Calvinistis Turcam missis oratoribus in capita, & fortunas Catholicas sollicitatum. *Negatur*, inquit Animaduersor. CAST. Imò verò nisi dixissem iam, & dicerem, & repeterem, quia Catholicus orbis sensit.

CIRCA CONSIDERATIONEM DVO-

DECIMAM ET DECIMAM TERTIAM.

ANIMADVERSTIO. I. Scripseram in superiori Palatinatu speciem aliquam Lutheranismi superesse, sed ministros in verba Caluini inrare. *Animaduersor. Sane hoc veritati consentaneum non esse, totus superior Palatinatus testari potest.* CAST. *Re. 1.* Palatinatū testari nihil posse, quia prædicantes corā populo Sacramentum (cuius forma Calvinistica est) nō dicūt. *Re. 2.* Nemini ferme Lutheranoꝝ Prædicatium animū fuisse in Palatinatu illo Verbum factitare, tātis cum ingratis Calvinistarum præsidum, quibus Lutheranismus detestabilis, & idcirco inuenti sunt, qui credo, nullius religionis fuerint, ut omnium essent, ac gratiam utroq; captarent. Certè quidam Parochianis suis, hostiam & calicem præbuit, ipse verò bolū Calvinisefurijt, & liguriuit. Alius quoq; repertus, qui se libidini postulantis accommodauit, nunc bolum,

nunc

nunchostiam dispertiens. Lutheranismum demulsit, vt Calvinismum propagaret.

ANIMADVERSIÒ II. Scripseram Bauarum præ-
tendere ius ad Electoratam. & Animaduertor. *Ius nimi-
rum ab inferis reuocatum.* CAST. Non ausim omnino
abnuere, fortasse Progenitores Palatini ius illud, (quo spo-
liati contra pactiones Bauari,) secum ad inferos tulere, vt
inde reuocaretur. Ad Auream Bullam, de qua iterum hîc
ampullas præiicis, iam suprà respondi.

ANIMADVERSIÒ III. Scripseram, Agnatos repel-
li ob Palatini in Cæsarem Ferdinandum Dominum faci-
nus, & ita leges sanctire. & Animad. *Negatum hoc fuis-
se in votis a Saxonis, & Brädeburgicis Ratispona.*
CAST. Quod duorum Principum Electorum Legati ne-
gauêre, plurium affirmauêre. Quanquam quomodo vo-
tum Saxonis intelligendum sit, ipse facto explicauit, cum
Bauarum Collegam salutarer.

CIRCA CONSIDERATIONEM

DECIMAM QVARTAM.

ANIMADVERSIÒ V. Scripseram in Vngaria tot
Lutheranos numerari, quot Thebis portas. & Animad.
*Sinon ludit Fabius, sed serio agit, necesse est illum re-
rum Vngaricarum non nimis peritum esse.* CASTIGAT.
Quam obrem mi homo? Vngariam etsi oculis nō lustra-
rim,

rim, aliunde tamen cognitam habeo, & scio in tanta variarum religionum turba, non esse magnam Lutheranorum phalangem. Calvinistæ, quocunq; tandem numero sint, sceptro superiores sunt, vt taceam multos Lutheri præ se ferre nomen, Calvinii amorem.

ANIMADVERSI O II. Exagitat Animaduersor quādam meam comparisonem Heidelbergensium cum Bohemis ciuium, & inter cetera ait, *Ius regni apud Bohemos controuersum fuisse*. CAST. Rectius dixisset; inter Ius, & Galuinianos controuersiam fuisse. Ius Cæsari per electionem acquisitum nulli obscurum fuit, nisi fortasse rebellibus Bohemis, qui æquum nec videre, nec fecere.

ANIMADVERSI O III. Edictum Palatini recitârâ, quo Electores Ecclesiastici & Saxo, nouâ honoris formula appellantur *Nordprædicanten*. 2. Latrociniorum auctores, architecti, & fabri. Item conuentus eorundē Mülhusij celebratus (*Blutrath*) concilium cruentum; & Saxo contra tria Sacramenta perfidus nominatur. 3. Animad. 10. *Palatinum hac dere apud Saxonem prolixè se excusasse*. 2. à Proceribus regni *Edictum illud profectum improbante Palatino, & subscripturum calamum cohibente*. CAST. Excusationem ego non vidi; iudicare tamen sine oculis possum fuisse vāfram, & Calvinisticam. Deinde haud admodum opuserat, vt manum suam Palatinus adderet, nomen eius cum Regijs titulis

tulis præscriptum erat, vt non nesciretur, cuius auctoritate tam superba & iniuriosa charta niteretur.

CIRCA CONSIDERATIONEM
DECIMAM QUINTAM.

ANIMAD. I. Scripseram proscriptionem promulgatâ esse sincerâ iustitiâ. Respond. Animad. paucis, & me aliò ablegat, tanquâ ipsius nuntius essem. Verba mea repeto, & tamdiu repetam, quoad Animaduersor illa diluat, non inficiando tantùm, quia sic quilibet refutauerit, sed demonstrando iniquitatem nostram; suam leuiore operâ poterit.

ANIMADVERSIO II. Scripseram Calvinianos à Caluino vocari, sicut Aristotelici ab Aristotele, & Platonici à Platone vocantur. & Animad. *Reformatos* (ita suos semper appellat, quòd Caluini nominis eum pudeat) *non iurare in verba Caluini, nec Caluinum pro capite habere.* CAST. Non est hoc perpetuum, mi Animaduersor, vt discipulus in verba Magistri iuret, sicuti neq; Aristotelici hunc morem habent, & tamen à Magistro nomē trahunt, cur vobis verecundiæ sit, tanti Euangelistæ nomen honorare appellatione illustrissima? *Debebant*, inquit (Caluiniani nimirum) *à vobis Ligistis Christiani, non autem odiosè Calviniani appellari.* & Quis vos hac nomenclaturâ nosceret? Etiam Christianos se dicunt Ca-
tholi-

tholici, Christianos se dicunt Lutherani, Christianos Schvvenckfeldiani, Christianos Anabaptistæ, omnes enim Christum Dominum venerantur, licet dispari ritu. Quis me intelligat, si dicam, Catholicorum hostes sunt Christiani? Neq; ipsi Calviniani scient se intelligi, nisi fortasse ex facto, quod contra nos arma ferant. Nomen hoc nos Catholici habuimus antè, quàm Calvinus è Sodoma Genenam migraret, cur Calvinistæ soli vsurparent, & nomen eius haberent, cuius religionem abiecerunt? Vos, inquit, Romanenses in verba Papæ iuratis, & Pontificem pro capite Ecclesiæ vestra habetis. Cur ergo tam agrè fertis vos Papistas, aut Pontificios vocari, & Evangelicis superciliosè necessitatem vos Catholicos appellandi imponere vultis? Aut Sectatores igitur Papæ non estis, aut Fabij argumentum claudicat, aut vos Capitis vestri pudet. R. Nos in verba Papæ non iurare, sed in doctrinam de cælo haustam, quam Pontifex tanquam Christi Vicarius nobis proponit, & ubi quid ambiguitatis est, explicat. Pariter aspectabile in terris Ecclesiæ Caput agnoscimus Pontificem, nulla tamen necessitas est, vt ab eo nomen mutuemur, alioqui quia in Anglia Iacobus Rex se caput Ecclesiæ profitetur, Calvinistæ in Anglia appellari deberent Iacobitæ, & in Palatinatu Fridericiani, nam & hunc auguror esse caput suæ Ecclesiæ, alioqui sine capite monstrosa foret, quanquam et-

iam monstrosa est cum tali Capite. Cum *Papistas* nos, aut *Pontificios* nominatis, nō exardescimus, quippe qui Ecclesię corpori, hoc Caput probrosum esse nō putemus. Catholici nomen nobis iure debetur, habebimúsq; illud vobis indignatione crepantibus, quamdiu habuerimus doctrinam, quę ab Apostolis ducto exordio semper vbiq; apud omnes eadēq; fuit, illibataq; permansit. Vēstra heri primū ex Calvinianis pediculis, quorum morsuunculis Calvinum perisse ferunt, exitioso Europę fato nata est, vt nec semper fuerit, nec vbiq; ; laudabilior futura, si nunquam fuisset. Quare argumentum meum non claudicat, sed fortuna vēstra, quam rebellionē euer-
tistis.

ANIMADVERSIO III. *Agit Fabius de æqui-
uocationibus, & adducit elegans exemplum, per quod pre-
supponit, caupones Germania vulgò latine scire.*
CAST. Nihil suppono. Exemplum æqui-
uocationis in lingua latina latinum esse oportuit, in germanica germa-
nicum narrassem, æquē fortasse tuis cauillationibus ex-
positum, qui cū æqui-
uocationem omittis, menda-
cium vsurpas.

ANIMADVERSIO IV. *Venit Fabius ad Regi-
cidia, & asserere non veretur, neq; consilio, neq; ma-
nu Iesuiticā tantum nefas patratum. Quod ad ma-
num attinet, siue per homines subornatos, & miris
præsti-*

præstigiis, ac persuasionibus fascinos, siue ipsi talia scelera patrauerint, non multum refert, quia secundum iuris regulam, quod quis per alium facit, ipse facere videtur. CAST. Scilicet absq; te Doctore nec iussimus ista Themidis arcana. ostende sis aut per se, aut per alios, funesti quid Iesuitas patrâsse. Nā quæ de ijs aut Thuanus Gallus, aut Coquus Anglus Iesuitarum hostes scribūt, paruum habent pondus. Duos illos Gallia Reges ferro interfectos non fuisse Iesuitarum consilio, quanta quantæ est Gallia, testatur, id nunquam immanibus etiam tormentis exsculpi ex reis potuit. Vnde ergo tu, aliq; Calvinistæ id eruent? Doceri autem à Iesuitis Reges interim posse, si alieni à Catholica religione sint, Calvinisticū, & execratione dignum figmentum est. Legi de Tyrannicidijs illorum libros, & inter miuissimos iudices reperi, sed nihil ad me ista. Iesuitæ cū nec manus nec calamos torpentes habeant, sua defendere nōrunt, ego alteri militiæ nomen dedi.

ANIMADVERSIO V. Scripseram Calvinistas quotidianos cultros in Mauritium acuerē. &c. Animaduersor, *Tota Hollandia testatur, Arminianos esse, qui talia machinentur, quippe Pelagianos, & Semi-Iesuitas.* CAST. Arminiani æquē Calviniani sunt, atq; Gomoristæ, seu Puritani, qui Regi magnæ Britannia insidias struxerūt, vt moreretur antequam nasceretur. Extat ipsius querela. *Semi-Iesuitas, Arminianos esse quo argumento*

suades: Fortasse quòd ipsimet laudabilius sibi ducant in vno, alteròue religionis capite Iesuitis similiore esse, quàm Puritanis, per euerfa patriæ sacra penitus impiatis.

ANIMAD. VI. Scripseram Iesuitis multum operæ esse, vt calamo portentosa Calvinistarum dogmata depingât.
 R. Animad. *Iesuitis multum opera esse, vt Patrū opera nefarie castrent, & adulterent.* CAST. Nisi exemplo, mihi Animaduerfor, huius adulterij, & temerantis sic facinus probaueris, nemo tibi fidem habebit: Sed dicis, *experientia id testatur*, aliquid haud dubiè *testatur experientia*, sed te mendacem esse; exemplum postulo. Quòd omnibus libris hic à te commemoratis non respondeant, causas utiq; habent; non omnis codex de vestro luto confartus responsione dignus est, & iam sexcenties omnia vestra argumenta protrita sunt. Ex prostratis pridem hostibus nemo gloriam petit. Confutationis quoddam genus est, in sullas Calvinistarum prædicantium saluas contemnere. Mihi saltem alia arena placet.

Quia Cæmerarius Cancellariæ Hispanicæ auctor, Iesuitas conuitijs incesserat, quasi sicas & bella tractarent, regesseram ego hæc verba. De armis, de bellis, de cædibus, de reorum supplicijs, tantum illis labor, quantum vobis (Caluinistis) precum in Catholico templo, cùm Missa legitur. Intratis, vt exeatis. *Quid igitur, hoc loco, inquit Animaduerfor, fecerunt in tota illa tragœdia Mosconitica suppositij Demetrii? Quid faciunt etiam*

num hodie Jesuita Regis Polonia in subditis Regis Suecia ad seditionem mouendam incitandis? Quid vester Adamus Conzen? Nonne lib. 10. Politicorum de bello, & de armis, & de omnibus, qua ad cognitionem rei militaris pertinet, prolixè & ex professo agit?

R. 1. hæc ad me parum pertinere, cum suo sufflamine Iesuite tuti esse possint. R. 2. Iesuitæ eam operam impendisse Demetrio (quem tu *supposititium* tam audacter affirmas, atq; si à tua matre, te vidente suppositus fuisset) quæ impendunt alijs Principibus arma iusta mouentibus; quoniam in genere bella nec volunt, nec concitant; Bellantes tamē religiosā functione iuuant, sed fac eos quoq; suasisse Demetrio bellum, si aliter aurum recuperare non posset regnum; quid peccassent? Tu & tui similes ausi fuistis consilio impellere Palatinum, vt regnum alienum bello appeteret, occuparetque, & alijs nefas sit ad defendenda sua hortari? Dices, *Demetrium quoque ad aliena adspirasse*. Respond. Id nulli mortalium constituisse, neque dum constare, Demetrium illum solo mendacio Demetrium fuisse; tanta enim prodebat indicia, vt etiam à prudentibus crederetur magni illius Imperij esse hæres. Certè qui tibi Historicorum huius æui coryphæus est Thuanus, extremo Historiarum suarum libro CXXXV. à tua temeritate dissentit, dum inquit.

Verisne an falsus hic Demetrius fuerit, fama in ambiguo

biguo reliquit. Animaduersioni autē meo fictus est, quia Catholicus est. Quòd si Caluiniana placita illi placuissēt, iam Syllabo iustorum Moscouiæ Principum à Caluinistis inscriberetur, & lueret Suiscius, eius parricida, facinus suum immortali inuectiuâ.

Quid hodie Polonici *Jesuita* faciant, me later; cōtra legitimum Sueciæ Regem procul dubio seditiones non concitant, is est autem Serenissimus Sigismundus, qui ad clauum Poloniæ sedet. Ille qui in Suecia coronam gestat, alterius verticis raptâ superbit, pari propè iure, quo Palatinus annuam in Bohemia gestauit. Quid cum Patre Conzen tibi vis? *Scriptis is lib. 10. de bello.* Ergò hoc agit, vt Principes Bellonæ spiritu inflet, & Martias tubas concitet? Scribit quibus legibus, quibusue modis gerendum bellum, si geri necessitas cogat. Quid hic mali? imò multa in bello mala, atque idcirco eius auctores vbique Caluinistæ sunt.

CIRCA CONSIDERATIONEM DECIMAM SEXTAM.

ANIMADVERSI O I. Scripseram de Moguntino Electore ista. Quòd Spinolam consilio & ope iuuit, respectu Cæsaris fecit. &c. Animad. *Fatetur ergo Fabius Moguntinum aliquo respectu transactionem Vlmensem violasse. At nullo plane debebat, nulloque*
pra-

prætextu, quicunque tandem excogitari posset. Neque enim bona fides, & expressa eiusdem transactionis verba id patiuntur. CAST. Parum abest, quin me opinione tuâ in casses agas, Animaduerfor. Vi Vlmensis pacti aduersus Palatinum arma tantum posuit Moguntinus, non verò etiam obseruantiam erga Cæsarem, cuius Ducem impedire nec potuit, nec debuit; impediuiſſet autem si & transitum negaſſet, & opem in subuectando comiteatu: Neq; insuper aut Bauariæ Princeps, aut Moguntinus spondere, se consilio partes Cæsaris non adiuturos. Quis enim hoc exigeret ab Imperij Principibus? malè postularetur id, malè præstaretur.

CIRCA CONSIDERATIONEM DECIMAM SEPTIMAM

ANIMADVERſIO I. Scripseram Calvinistas rerū euentu (olim in Belgio) anxios fuaiſſe per Legatos pacem, non amore pacis, sed ne Belgæ ipsorum tribules opprimerentur Hispani potentiâ. &c. Animaduerfor *me rerum Imperij imperitum; neque enim à Belgis, sed ab Hispanis pacem quaſitam.* CAST. Quasi ignotum eſſet Orbi non etiam subinde metu concuſſos Belgas maluiſſe quiete m, quàm gladios Hispanienſes. Verum dō, quod vis Hispanos belli pertaſos pacem ambiſſe; tum veſtri Legati in Hollandiam iere, vt bellum suaderet, neq; enim

N

Cal.

Caluinistæ vnquam de pace cogitant, nisi cùm victi sunt, quamdiu vincti, bellant; mite genus hominum, cùm clementiâ egent.

ANIMADVERSI O II. Scripseram communem libertatem potiùs per Caluinistas, quàm per Hispanos interituram. & Animaduerfor. *Hoc inter paradoxa Fabij referri posse.* CAST. Referas mea quocunque voles. Pragm certè non referes, triste ibi malè conscijs cœlum: sed agè, quem ex Imperij Ordinibus adhuc Hispanus oppressit? Tuus Palatinus magnum Principem oppressum ibat, iturus in plures si fors fauisset.

CIRCA CONSIDERATIONEM DECIMAM OCTAVAM.

ANIMADVERSI O I. Scripseram ego, ciuilitatis ergo, & vt maiore cum gratia Principum omnia faceret, causę tantę molei Comitij Cæsar destinabat, sed quia multi Ratisponæ non comparuere, cum præsentibus fecit, quod solus poterat: & mox subiunxi rationem, quòd alia esset proscriptio in pace, alia in bello iuris ordinis non semper patiente. & Animaduerfor 1. *Legatos Saxonicos, & Brandeburgicos dixisse necessitatis fuisse, quod ego ciuilitatis appello.* & 2. *distinctionem meam non inueniri in Capitulatione.* CAST. Quam duorum Principum Legati protulere sententiam, alij nõ sunt amplexi,

& iam

& iam de Saxone mutatae mentis publicum extat iudicium. Deinde paucae distinctiones in ipsis legum verbis exprimuntur, idcirco Interpretes faciunt, quod lex prætermisit, quippe intelligentibus scripta, quibus ad comedendum non est opus manso. Dixi supra atrox & noxium morâ crimen, iuris sollemnia non ferre, imò si ius non esset, in exitium Reipublicae ruentes sine aliorum consilio compescere, properato scelere fieret.

CIRCA CONSIDERATIONEM DECIMAM NONAM.

ANIMADVERSIO I. Scripseram si Princeps tuus paratus fuit accipere quascunq; conditiones, quid ita non significauit Cæsari? Respondet Animaduersor. *Nomine Palatini aqussimas, & Cæsari, & domui Austriacae utiles conditiones, obtulit magna Britannia Rex.* CAST. Me clàm non est, Socerum ubiq; æquiores fuisse Genero. obtulit is conditiones Cæsari ex suo sensu, Palatino haudquaquam annuente. Quo enim indicio Soceri postulata probauit? à pacificatione semper abhorruit, & ante sesquiannum cum rursus ad compositionem sollicitaretur à Socero, scriptis ad Gaborem litteris, fidissimi pectoris arcana deposuit. Importuno nimirum indicabat Soceri hortatu, sibi tandem ineundam esse paciscendi rationem, ita tamen se rem acturum, ut rerum summæ ni-

hilderogetur, & perinde sit, atque si nihil egisset; planè ex ipsa Caluinistarum arte, qui nunquam paciscuntur cum damno, quæ enim iure non obtinent, astu acquirunt, ut totum habeant, de quo paciscuntur.

ANIMADVERSIO II. Scripseram Daniæ Legatos apud Cæsarem precibus instituisse, ut clementiâ finiret, quod iustitiâ inchoasset. R. 1. Animaduerfor, *me dissimulare eundem Regem etiam per quendam Legatū Cæsari non obscure significasse, sibi proscriptionem Palatini iuri, & regia Capitulationi parum consentaneam videri.* R. 2. Verba, quod iustitiâ inchoasset, esse glossam Fabij. CAST. Quæ mihi incomperta sunt, dissimulare non possum, Quis mihi omnia referat, quæ in Aula Cæsaris aguntur? parum autem refert, etsi Palatini cognatus, Palatini proscriptionem pro parâ iusta habeat, longè aliter iudicaturus, si parenti regni æmulum in Dania sua expertus fuisset. Verba illa, quod iustitiâ inchoasset, sine dubio mea sunt, sed ex prioribus efficiuntur; nam qui à Clementia pœnæ remissionem postulat, hoc ipso indicat, pœnam per ius & fas irrogatam.

ANIMADVERSIO III. Fabius negat Concilium Constantiense definiuisse fidem hereticis datam seruandam non esse. R. Animaduerfor. *En Canonem, en definitionem: sess. 19. ita statutum fuit. Quocumq; saluo conductu per Imperatorem, vel per Principes seculi*
habe-

hereticis, vel de heresi diffamatis concessio non obstāte, posse Ecclesiasticum Iudicem cōtra Hereticos procedere, & Politicum Iudicem, qui saluum conductū dedit, eo non teneri, si fecit, quod in se fuit. CAST. Piscibus insidiabaris, hamo gamatus hēsit. Vbi sunt in laudato canone verba illa, *fidem hereticis seruandam non esse?* Princeps Politicus si fidem interponat, fidem seruet: si interposuit Ecclesiasticus, seruet; si alius interposuit, seruet, & quidem omnimodo quo potest. Si frustra nitatur, si omni ope tueri non possit, quod fide datā promisit, nec crimine, nec infamiā laborabit, si quem iuuare non potest, destituat. Si Husso, propter quem hoc Conciliū statuit, fides data fuit ab Imperatore, Imperatoris fuit eum, quā licuit, vindicare, quod & gnauiter præstitit. At cū in audijt ab Vniuerso prope cōtū Constantiæ ad Ecclesiæ cōmodū coactō, Tribunalis sacri esse de heresi cognoscere, & crimen hæresis, eiūsq; sectatores ad arbitriū Ecclesiæ pertinere, spoliare Cæsar Ecclesiā iure suo non potuit. Igitur Constantiæ Patres, qui nullam fidem dederant, tulere in pertinacem hereticū sententiam, legibus præscriptam, nullo iure violato, quia Cæsar pro se spondere potuit, pro Concilio, ad quod iudiciū hoc pertinebat, spondere non potuit: ita nemo tum fidem fregit, quia Concilium nihil promiserat. Dicis. *Quòd verò Fabius addit Sigismundum Cæsarem fidem Husso datam seruasse, plane fidei*

historia repugnat. Nam erat in ipsius manu Hussum seruare, si voluisset. Quis enim ipso inuito, & vetante rogo imponere, & comburere Hussum ausus fuisset? Respondeo Cæsari omnino potentiam fuisse ad arcendam ab Hussu vim, & potuisse eum per armatum Imperium seruare; sed, ut loquimur in scholis, moraliter non potuisse, quia ordinem Ecclesiasticum suo iure spoliare in Hæresiarchæ fauorem, nec æquum videbatur, nec erat. Sigismundus in eo, ais, grauius peccauit, quod se ministrum sauitiæ Pontificum, & Sacerdotum præbuit, quando homines innocentes in manus hostium inmanissimorum tradidit. Respondeo ex hoc solo loco manifestum esse, quanti religionem veterem, & virtutem æstimes, apud quem potiori loco est infamis, ob hæresin totius orbis calculo damnatam, Hussus, veteramentarij progenies, quam Sigismundus omnium historicorum calamo laudatissimus Cæsar, qui tibi sauitiæ minister, & lictor est, Hussus autem & Hieronymus homines innocentes sunt, non secus ac tu innocens es, Calvinismo delibutus.

ANIMADVERSIO IV. Scripseram nullum Electorē de statu suo deiectū, sed hominem proscriptum, & publicæ paci noxium. &c. Animaduersor. *Plane eodem modo solent negare Iesuitæ, se in libris suis docere, quod subditis liceat occidere, aut de solio deturbare reges suos.*

suos. Nam Reges hæreticos, & à Papa excommunicatos non esse Reges aiunt, sed Tyrannos, & ut tales licitè occidi, aut regno ejici. Ita equiuocationibus ludunt. CAST. Bona verba mi vir. Cùm scripsi nullum Electorem de statu suo deiectum, sed hominem proscriptum, te phraseologum imitatus sum; nam & tu perpetuò inculcas vos Archiducem dūtaxat, non autem Cæsarem bello profecutos. Cur mihi non liceat, quod vobis licet? Multa nescirem hoc in genere, nisi à vobis discerem. Iesuitæ sub mea clientela non sunt, ut necesse habeam eorum causâ ferrum nudare, & te mentientem coërcere. Relinquo hæc sacra bella ipsis nō inexercitatis bellatoribus, quibus insignem hoc loco iniuriam irrogas; nemo enim ex ijs scribit, Reges excommunicatos esse Tyrannos, licitèq; occidi. De iustis Tyrānis summâ crudelitate, ac morum peruersitate depictis, ac notis, quibusdam disputatio fuit, quorum effigiem Calvinistæ propioribus coloribus exprimunt, quàm Reges Hæretici, aut excommunicati. Vbi enim illi iudiciariam sellam ponunt, ibi sæuit ferrū, calet ignis, tenet laqueus, suffocat vnda, perdit rabies.

ANIMADVERSIO V. Supremum Bauari Electoris Cancellarium largiorem, benigniorémq; in promissis Vlmæ, quàm rebus postea ostensum fuit, auctor Cancellariæ Hispanicæ laudauit, exiguæ cum obtentu gratiæ; respondit enim Amplissimus Cancellarius, cùm eum super hac re compellâsem, Camerarium hominem esse vaniloquum.

loquum. Ergò ut suum Achatem Animaduersor dēfendat, ita hūc inquit: *Quidquid Fabius dicat de Cancellario Monachiensi, constat mentem paciscentium Vlmæ fuisse, & verba pacti expresse hoc velle, ne Palatinatus à Bauaria Duce, vel ab aliis ipsius nomine, qua ratione & præfensione id fieri, vel excogitari queat, quibuscumq; preparationibus bellicis inuadatur, & sub his verbis (qua ratione, & præfensione id excogitari queat) etiam proscriptionem, de qua sæpe inter paciscentes mentio facta fuerat, intellectam fuisse omnes Vniti uno ore interrogati respondebunt. Cancellarius etiam his verbis usus est, se sperare non deuentum iri ad Bannum, & superesse adhuc alia media ad pacem perueniendi. Cancellarium etiam non fugiebat, mentem Vnitorum paciscentium hanc esse, ut sub verbis supra positis etiam proscriptio intelligeretur, & excluderetur apud omnes Vnitos in confesso est.* CAST. Nihil stipulatus fuit Elector Bauarus aduersus obseruantiam, & imperium Cæsaris; aut proba exconuentorum forma, quæ typis vulgata in omnium manibus est. Qualis qualis mens Vnitorum fuerit, alia Legatis Bauaricis fuit, quam palàm patefecere, neq; enim admittere volebant, ut quid iniretur vtriq; parti probrosum, quale fuisset pacisci, ne obediretur in re iusta Cæsari. Quòd si vos tātò opere formidastis imperiū Cæsaris, quid causæ

causæ fuit, quòd post Pragensem cladem non declinastis iram Cæsaris: mitigandus erat Cæsar, & vos rursus prouocastis, Palatinus contumaciâ, Mansfeldius perpetuatis in Bohemia armis, Vecrius vexatione populorum Spirensium, Halberstadius nouo militum delectu. Pacem certè, si qua fuit, rupistis; vt minùs tibi mirum accidat, resumpsisse nos arma. Mutua sunt pactionum vincula, vbi aduersarius suam partem soluit, me mea non tenet.

ANIMADVERSI O VI. Scripseram de profectio-
ne Constantinopolitana Comitris Turnij. & Animad.
Frustra. Nam verissimum est Comitem Turnium,
nullas à Palatino litteras, nullam commissionem ha-
buisse. CAST. De litteris non laboro, quia homo missus
est, qui loqui potuit: de commissione dubito; & demus
nihil mandati Turnio datum, fuit tamen acceptum, vel à
tacente Palatini animo; ita volebat.

Ponamus, inquis, Palatinum à vobis dignita-
te, & bonis exutum ex quadam veluti desperatione
à Turcarum Sultano auxilium petere, nonne vestra
ambitio, fastus, & animi impotentia potius, quàm
Palatinus, hac in parte accusanda esset? &c. Nequa-
quam nos accusandos esse, quia vos primò auxilium Tur-
cicum quæsiistis, antequam egeretis. 2. Vobis prælio Pra-
gensis pulsus alia ad veniam impetrandam, & recuperandi
vestra via patebat; alia, inquam, & longè honestior, quàm

O

iter

iter Turcicum fuit. Si *ambitio vestra, si fastus, si animi impotentia* flectere se potuisset, & Cæsareæ se clementiæ submittere, redijissetis ad vestra, neque nostra arma vltra prolata fuissent. At vos nullâ clade fracti, non de venia, sed vindicta solliciti, luperos & inferos concitastis, vt nos rursus nostris spoliaremur. Quod nobis facere cogitastis, habete.

Dicis. Si Comes Turnius à Principe Transylvano, & eiusdem sumptu Constantinopolim missus, non tantum res Principis magna cum fide, & diligentia tractauit, sed etiam eadem opera sibi, reliquisque exulibus Bohemis, & Morauis, ex quorum facultatibus & bonis iam complures Bauari, & Egiptici Thrasones lautè, & splendide viuunt, consulere studuerit, quis vel adeò imperitus est, vt miretur, vel adeò iniquus rerum aestimator, vt criminetur? Respondeo me de Turnij diligentia, pro quocunq; tandem adhibita contra Cæsarem, nūquam dubitasse, neq; de studio iuuandi se & suos. Sed quid fuit opus ope Turcicâ laudabiliorem inuenisset apud eum ipsum, quem tâ grauiter offenderat, Cæsarem. Viderat iam multa clementiæ exempla, sed superbo ingenio non placuere, libuit potius Cæsarem euertere, & armis in patriam redire, quàm imploratam amplecti gratiam, ignobile mendicationis genus. Quod quidam lautius iam viuunt ex facultatibus

exulum, quæso ne inuideas, paulò antè & vos ita vixistis; neq; enim Rextuus alienum regnum inuadere poterat, nisi alium pepulisset, neq; Camerarius Silesiæ Cancellarius fieri, nisi alterum spoliasset. Quæ de nobis conquerimini, à vobis didicimus, cùm experiremur.

Quod de cultro, ais, Musti Turcici pro more mordaciter effutit Fabius, hac in parte illum iterū incerta & ficta, pro veris & certis Lectori obtrusisse, iam post Comitis Turnij reditum in aperto est. R. te aut desipere, aut insigniter malitiosum esse, qui præteritis meis verbis alienissimam mihi mentem affingis; non affirmavi, quod ipse non credidi; neq; enim crediditā projectæ impietatis esse Turnium, ut abiurato Christo Mahumetis sacra mallet. Scripserat Palatinus tuus ad Gaborem hæc verba. *Caterum cùm intelligamus Comitem* G Videlic. *Turnium Constantinopoli iam excessisse, nihil magis desideramus, quàm ut breui ad nos fidum hominem Serenitas V^a. ablegare possit, per quem de consilijs eius accurate edoceri possemus, quæ Serenitati V^a. necessario significanda duximus.*

Ad hæc Palatini verba, mea adieci hunc in modum. Siste parum per hîc Camerari, & enuntia, quid tanto perè cupiscat scire Palatinus per fidum Gaboris hominem? an intelligere auct à Turnio, quàm bellè Turcarum Imperator valeat? quàm quietè dormiat? quo genere ludis ob-

lectet? Quid magnus Musti agat? An cultro eius Turnius se permiserit, & circumcisus sit? Hæc utiq; magnâ cupidine expectat Palatinus. Videat Lector ipsam lituram, pag. 263. & miretur manifestissimas Ironias aduersarium ad seria dicta trahere, neq; enim Palatinus eiusmodi pernoscendi desiderio tenebatur, sed scire cupiebat, an à Turca auxiliū, aut re, aut spe afferret, nam hoc vnum ad iter tam famosum impulit Turnium.

ANIMADVERSI O VIII. Scripseram: sciuitis Ferdinandum legitimum Bohemiæ Regem, atq; adeo agnouistis, imò regem esse professi estis. &c. Animad. *Errat Fabius, & res longè aliter se habet. Electores Ecclesiastici Ferdinandum Regem agnouerunt, & ut talem in Senatum introduxerunt, trium Electorum protestantium Legatis non aperte repugnantibus.* CAST. ô quæ tibi verba excidunt Animaduersor! Aduertit ad eâ Saxo, & te toruū vt falsiloquū intuetur: repugnâruntne illius Legati, & ægrè ferebant Ferdinandum ab Ecclesiasticis Regem Bohemiæ haberi? *repugnârunt*, inquis, *non apertè*. Ergò occultis sermonibus regium ei honorem detraxere? Quid loqueris? Ne fateri cogaris, quod tibi exprobratur, in retia te induis, & alios quoque inuoluere moliris. In tanto Imperij negotio, qui clâm mussitat, cū palâm loquendum est, Imperij proditor potius est, quàm consultor; si ergo vos repugnâ-

pugnâstis, & non apertè, iam nôsti, quomodo vos indigetem? Saxo Ferdinandum Regem agnouit semper, imò & propugnauit: Vos, & Brandeburgici si non apertè repugnâstis, etiam probâstis: quia qui tacet, consentire videtur, certè præsumitur.

Veruntamen, inquis, *Legati Palatini in votis suis Francosurti semper causam Bohemicam à negotio Electionis Regis Romanorum separarunt; iura, ac priuilegia regni expressè exceperunt, & Ordinibus Bohemia se nullo modo, nec vlla ratione præiudicare velle in Confessu Electorum aliquoties protestati sunt, uti hæc eorū protestatio etiā Electoralibus protocollis ad perpetuā rei memoriā inserta fuit.* Ad perpetuā rei infamiā hanc protestationem vestram insertā esse: vestra egistis, cum rebellēs defendistis. Quid ad vos attinebat rebelliū in Bohemia furor? patrocinium haud dubiè suscipiendū fuit illorum, quorū mox futurus Palatinus Rex erat. Hinc tāta cura & sollicitudo regni Bohemici, nō vt iura seruarentur, sed vt contra iura Palatinus illud inuaderet, muniente inter cæteros viam Camerario, qui per id tempus taratantaram inflauit, Bohemósque velut thyrsigeras Bacchas, stimulantem temeto, concurrentes per litteras instigauit, vt legitimū Regem diademate spoliarent.

ANIMADVERSIO VIII. Scripseram Bohemos, Co-

ronæ vſurpatores à ſummo illo Senatu, quem perimpudentiam affectauerunt, ignominia repulſitis. R. Animad. *Malè, nam Legatis Bohemicis non ab Electorum, protestantium Legatis (hi enim audiri illos æquum, & mori maiorum conſentaneum putabant) ſed à tribus Electoribus Eccleſiaſticis in abſentia ſæcularium ſuo arbitratu in Collegio dominantibus, contra libertatem, & dignitatem Imperij, & contra ius gentium aditus in Senatum, & audientia denegata fuit.*

CAST. Si per te ſtetiſſet, vt video, Bohemis ad purpuræ cōfeſſum adſpirantibus, iam ſella poſita fuiſſet Ferdinando repulſo. Paulò ante dicebas, vos cauſam Bohemicã ſemper ab negotio Electionis ſeparãſſe; quid ergò opus erat ad Eligentes admitti rebellium Legatos? ſi ſeparatum hoc negotium eſt, non in ipſa Imperatoris Electione, ſed finitã illã traçterur. Duas autem hîc plagas Electoribus inſiſtis Eccleſiaſticis; altera eſt, quòd dicere audeas eos *pro arbitratu in Collegio dominari*, hoc eſt, non agere ipſos Senatores, ſed poteſtatis maioris, quàm deceat, vſurpatores. Altera eſt, quòd effutias ab iſſdem *contra libertatem Imperij, & ius gentium Bohemos nec admiſſos, nec auditos*. Quasi verò opus ſir vbique & quocunq; tempore rebelles audire? Venerant eò, quòd non neſciebatur, vt legitimo Rege extruſo, ipſi Septemviriſſimum ſubſellia occuparent, atq; adeò electionem aut dubiam redderent,

aut

aut impedirent; perniciosè omnino: prudenter ergo factum, cum reiecti sunt. Dein quis Principes adiget, ut rebellium manifestorum Legatos audiant: iam in luce versabantur, & certum erat eos non venire; ut Electionem promouerent, sed disturbarent; ut taceam potius, contra ius gentium fuisse, populos alteri subiectos iuratam obedientiam exuentes, ac contra Dominum insanientes quocunque tandem fauore prosequi: qui seditiosos amat, facit.

ANIMADVERSIO IX. Scripseram nec Vis fati sinit seruū vincere, ut Dominus seruiat. *Æ. Animaduersione. Sane hic (ut & aliquoties supra Fabius innuit Electorem Palatinum esse seruum Caesaris. Sed cui bono ista ingrata, & in libero Imperio suspecta, & nescio quid despotica absolute potestatis redolentia verba aspergere? Nullus unquam Caesar, nulli unquam Consiliarij aulici usurparunt, solus Litterator Bauaricus Fabius illa in contemptum Statuum protestantium prasipue effundere audet.* CAST. Tandem tandem puluisculum in superbos oculos sparsi, qui morsu unculis fatigat videntes. Vocem *Seruus*, mi Vir, vario significatu usurpamus: mancipium, aut honestioribus etiam ministerijs deditum, hoc loco non intelligimus, sed fide deuinctum, & honorarijs officijs obligatum; imò talem; qualem se ipse scribit Palatinus, cum Casari scribit; neq;
enim

enim credere possum eum, cum litteris nomen suum subiicit, ita scribere.

Maiestatis V^a

Dominus

Fridericus.

Quod & quàm arctum cuiusque sit erga Imperatoriam Maiestatem vinculum, hîc disputare nō libet, hoc solum dico, neminem esse in Imperio Procerum, qui Cæsarem non nominet Dominum suum clementissimum, unde efficitur, quis is sit, quocunq; tandem gradu, qui eū sic nominat: Neq; tu nescis seruum & Dominum relatē dici, & intelligi; sed finio, ne ad Dialecticam prolabamur, & ego iterum appeller *Litterator Bavaricus.*

Quæ de Republica Germanorum ex Thuano disputas, scholis tuis remitto. Gallicas res Gallicus homo agat. Quæ de Rebus Germanicis scripsit, à vobis didicit, & didicit malè, malis præceptoribus usus. Nos in Imperio Cæsarem habemus, non Burgimagistrum. Tandem abiungere cogitat Animaduersor, cui fortasse nunquam loqui libuisset, nisi nimia, ut ipse loquitur, *amarulentia, & aculeatus Fabij stylus linguam veritatis impatientem soluisset.* Sed scire debet non consueſſe me verba dulcia fundere apud eum, qui meum sanguinem fundit. Omnem belli pestem, sæuasq; nobis cædes intulerunt, & iam ringantur, cum asperius eis loquimur. Quantumvis
fre-

fremam, & exagitem vos rebelles, nondum est æqua verborum, & factorum compensatio; meruistis omnia, nec tamen ego locutus sum omnia.

Cæterum ex *Animaduersore*, hoc loco fit *Admirator* meus seu *Camerarius*, seu par illi scriptor alius, & ita infit. *Mirari subit, quid sibi velint Bauari, quod in Messum aulici consilij Imperialis falcem immiserunt. Huius enim propriè erat ex actis Praga repertis, excerpere, si quid inerat legibus Imperij minus consentaneum, & ab auctoribus modo in Imperio consueto rationem dictorum, aut scriptorum reposcere. Sed credibile est homines prudentes & circumspectos Bauaris hanc prouinciam, quam odiosam fore providebant, lubentes tradidisse.* CAST. Si à Bauaris peccatū est, quòd Cæsaraneorum potestatem occuparint, eorumque sententiam anteuertierint, etiam vos, mi *Animaduersor*, eodem crimine alligastis. Quā enim facultate publicastis Cæcellariam Hispanicam, & Cæsaris ipsius litteras? Dicam, quod tu dicis: *Mirari subit, quid sibi velint Palatiniani, quòd in Messum aulici consilij Imperialis falcem immiserunt. Huius enim propriè erat excerpere, si quid inerat legibus Imperij minus consentaneum. Quid ad hæc tu sodes? An vobis fas fuit nostra promulgare, nobis nō erit vestra? sed placet quòd tandē apud te superfit adhuc auctoritas aliqua Cæsarei Senatus,*

cuius alioqui vbique *processum*, vt appellas, abrogatum summis tendis viribus. Ille verò sua interesse nō existimat, si alij, extra ordinem temeraria & nefanda consilia vestra patefaciant, atq; etiam castigent, nam cū vos contra omnem iuris ordinem cōtrouersiam armis cœperitis, quid ipsi vos per iuris sollennia iudicent? Iure Belli Bauari cœpere vestra arcana, iure belli diuulgant, vt omnis Orbis agnoscat, quā impia vobis bella fuerint, Quod si Cæsarei consiliarij *lubentes*, vt tu ais, *tradidēre Bauaris* hoc, quidquid est prouinciæ, recto ordine omnia acta sunt; nam quod Magistratus per alios facit, per se facere cēsetur.

Bauari, inquis, *supercilia adducunt, franos iracundia laxant, conuitia cumulant; ad summum tanquam pro tribunali sedentes iudicant, condemnant, meras proscriptiones, pœnas, supplicia crepant*. Respondeo. *Bauaros supercilia adducere*, si tamen id verum est, quod viderint prius in vestra fronte dominas rugas, quibus seruitutē omni Germaniæ minabamini. Tulimus hos graues vultus, ferte & nostros. Sed de quo tu *Tribunali* in Bauaria statuto loqueris? Bauari neminem proscripserunt, aut pœnā affecerunt, nisi fortasse proscribere sit, iure naturæ vti, se & suatueri, insolentes hostes ferro compescere, atque in pedes aduersam aciem conjicere.

Quantum conijcimus, inquis, *ideo feroces (Bauari)*

uari) sunt, quodiam Electorem, quo iure, quâue iniuria, domi sua habent, fortassis etiam Casarem prope diè se habituros sperant, & proinde Vice Cancellariatus, Referendariatus, & Bibliothecariatus Casareos sibi somniant. Respondeo. Nos meritò lætos esse, nostrum nobis domi esse Electorem, etiam vos lætaremini, si vester domi esset. Deinde Casarem non speramus, sed habemus, atq; utinam diu habeamus, ut vobis diu doceat. Viuat Cæsar Ferdinandus, Pius, Felix, & Imperium sibi simile videat antè, quàm videre desinat!

Ais nos falso scribere Palatinum vivere miserè, cum eius mensa regiè instruat. & Dixisse nos cum miserè vivere apud externos, & alienis sumptibus quis miretur? adhuc hodie puto eum feliciter non vivere, cum procule extra patriam alienâ ope viuat. Quàm autem opiparè viuat, & quanta mensæ eius luxuria sit, nescio, quia more tuo paralitus nunquam astiti. Nihil omnium commodorum inuideo, solum hoc ingemino, vos magnum Principem prauis consilijs vestris fecisse paruum. Mirari tamen hoc loco subit, tam discrepantem tibi esse linguam ab aliorum calamis, longè aliter Maiestatem Regis tui describentibus. Non eis satellitium, non comitatus nobilium, non splendor aula, solitudo domi, solitudo foris, parua spes aulicis, minor res. Ita ad Turnium scribunt amici, & peregrinis in oris stipem quærent miseres post

felicitatem, quam pati non poterant, dum habebant.
 At tu mihi etiam Camerari, magnificentiam in ipso
 exilio deprædicas, cuius tamen ego particeps esse non cu-
 pio. Maneat, vbi illi *ad honestissimè viuendum*, vti tu
 loqueris, *nihil deest*; Heidelbergæ illi antehac mul-
 ta defuerunt, & plura essent,
 si eò rediret.

F I N I S.